


土岐文庫
文庫17
W82
4



文庫 17
W82
4

武溪詩鈔

余靖字安道韶州合江人舉進士與尹師魯同應拔萃
科靖為冠累官至秘書丞充集賢校理天章閣待制時
范仲淹以言事觸宰相得罪靖疏救之坐貶監筠州酒
稅已仲淹得白乃召還慶曆中夏元昊納誓詩和將加
冊封而契丹兵來止毋與和朝議患之靖謂撓我爾不
可聽乃假靖諫議大夫報契丹于九十九泉卒屈其議
取其要領而還加知制誥史館脩撰時相忌之坐習蕃
語出知吉州奪官皇祐初復起平儂智高于嶺南拜集
賢學士遷吏部侍郎交趾寇邕州以為廣西體量安撫
使靖往移檄而定拜工部尚書始興郡開國公食邑二
千八百戶賈封二百戶代還道病卒累贈少師謚曰襄

武溪詩鈔

昭和六十年二月一日贈
土佐吉原氏寄

010.185.188308

有武溪集二十卷爲文不爲曼辭如辯論史序潮等
篇皆有所發明詩亦堅鍊有法時歐陽變體復古靖與
交厚故亦棄華取質爲有本之學

送陳京廷評

曲江居嶺阨楚越封壇間夫異時置治官歲入不盈萬將
漕擇材能招徠委成算扇橐大野烘鑿礦重崖斷閩吳荆
廣人奔走通昏旦千夫卽山鑄畢給未酬半三監居江湄
僦輦日充羨地官奏計最遂爲天下冠嘗聞卜大夫名聲
傳史漢素履騁脩程逸足何由絀

夏日江行

解組趨宸闕扁舟泛江練健鷗齊鳴輕帆雲一片水濶
煙難收雨昏風易轉曲浦逗留多脩程夢魂倦舟子怯風

波終朝股交戰預憂雷電驚先喜虹蜺斷安知農夫望只
顧行人便愚儒有所思白愧心如面追惟亡異才承恩得
爲縣盤錯非所長耕桑當勉勸十日愆一雨灾恐延農畔
靡愛幣與牲羣望走之徧山川未應誠兼晨不敢飯霽然
得嘉澍荷天知免譴何以迅流間遠逐庸夫變江淮民薦
饑糟糠未充膳粢盛苟無害豈將風雨怨玉燭長均調寸
進真君願

過大孤山

有形天地分設險山河壯孤山鎮南服峩峩楚之望中立
亡所倚屹然怪其狀石參入春空翠柱楮秋浪片時起雪
痕萬頃排霜杖噫氣專吸呼橫流以溟漲行人多躁進那
解明得喪不顧風濤險半就江魚葬掛席經典劾往往乞

靈旣遂因孤獨名塑立輕盈像綽約姑射姿夢魂巫峽想
如何方面祠終古承其妄五岳視三公降殺不過爾不然
爲子男何以通祀享四氣均分風條融各有掌避其狂怒
勢亦可利攸往亭育天地心憑險恣沈濟正直鬼神德非
名矣獨饗不使悔吝侵庶幾忠信似在人不在神勿爲虛
稽顙

寄題田待制廣州西園

善政偏脩舉增完池館清地含春氣早月映暮潮生石有
羣星象庭際羅立舊名九曜石花多外國名異花皆舶上所來嶺北無之與民同
雉免邀客醉蓬瀛翰墨資吟興雲泉適野情鎮應持左螭
快欲繪長鯨積霽藏樓閣馴鷗識旆旌甘棠留美蔭高倚
越王城

寄題廣州田諫議頤堂

退食公堂暇應無俗慮侵簾開雙燕影吏散百花陰海域
逍遙境榮途淡泊心政成先養正惠愛及民深

題劉太博棲心亭

宏構小侯第避權長掩關地分金穴貴人共白雲閑野色
春墻外池香暮雨間燕申忘萬慮吏隱敵箕山

畱題龍光禪刹呈周長老

尋幽逢勝地方外趣無垠雙澗流寒月千峰積暮雲路盤
塵境斷世系祖燈分却愧畱題處猶須說見聞

畱題澄虛亭

湖光湛寒碧簾影拂莓苔魚戲應同樂鷗閑亦自來雨餘
輕靄合竹外雜花開久欲畱詩去慚無綺靡才

送李廷評知福清縣

世閥茂儒紳，闔閭寵命新。縣圖遙盡海，鄉樹密藏春。祖帳
鸞將老，登車雉已馴。行聞趨召節，舊美政如神。

子規

一叫一春殘，聲聲萬古冤。疎煙明月樹，微雨落花村。易墮
將乾淚，能傷欲斷魂。名韉慚自束，爲爾憶家園。

桂園早行

聞鷄已行邁，策馬更徘徊。月色依山盡，秋聲帶雨來。自堪
悲玉璞，誰復築金臺。薄宦空羈束，西齋長綠苔。

山館

野館蕭條晚，憑軒對竹扉。樹藏秋色老，禽帶夕陽歸。遠岫
穿雲翠，畬田得雨肥。淵明誰送酒，殘菊遶墻飛。

晚至松門僧舍懷寄李太祝

日暮倦行役，解鞍初息肩。霧昏臨水寺，風勁欲霜天。蓼浦
初聞鴈，人家半在船。思君正悵黃葉，更翩翩。

遊水南寺

雙刹聳浮雲，層軒絕世塵。松溪千蓋雨，茶圃一旗春。夜梵
龕燈暗，朝香篆火新。暫來猶永日，堪羨白蓮人。

暮春

草帶全鋪翠，花房半墜紅。農家榆莢雨，江國鯉魚風。堤柳
綿爭撲，山櫻火共烘。長安少年客，不信有衰翁。

宿山觀

孤枕秋宵永，山寒夢不成。殘燈背窓影，急雨帶溪聲。未分
山中老，空思日下名。區區如逆旅，此際若爲情。

送岳師歸潁川

千里起歸思，翛然物外身。海山經處霧，梅嶺到時春。藥更開新楮，庭應長舊筠。年衰重方術，聊此送行人。

山寺獨宿

柴車走縣封，窮途耿耿急。雨失溪聲殘，燈淡窓影驅。馳下士身淒涼，旅人景山寒。夢難成，始識今夜永。

送任祕丞知長興縣

懿文通識氣，飄飄二十年。來困下僚，吾道本將忠。許國世途休，嘆老登朝囊。裝冷落，堆青簡。衙署幽深枕畫橋，預想吳人蒙美化，海鷗桑雉共逍遙。

又和寄提刑太保

常記臨岐把酒盃，芳心應得見歸來。不從去日丁寧約，已

向東風取次開。清燕固難停，燭待鵬鞍須是著。鞭催欄邊殘豔，猶堪賞。莫使韶光過了，回

和伯恭自造新茶

郡庭無事卽仙家，野圃栽成紫筍茶。疎雨半晴回暖氣，輕雷初過得新芽。烘褱精謹松齋靜，採擷繁迂澗路斜。江水對煎萍髮鬢，越甌新試雪交加。一槍試焙春尤早，三盞搜腸句更嘉。多謝彩箋貽雅贖，想資詩筆思無涯。

送張如京知安肅軍

賜戟銜恩出斗城，塞門迢遞草初青。新提司馬臨戎節，舊應衣鳥近極星。叔子成吳長緩帶，單于歸漢已空庭。圮橋自得家傳策，不問人間太白經。

送劉學士知衡州

武溪寺沙

朱轡新命漢諸侯地扼荆湘占上游醴淥水聲侵古堞
融峯色入晴樓畫垂三組鄉粉過春擁雙旌嶽寺游番直
星垣歸緩步謫仙通籍著瀛州

送蓋太博通判定州 都部署奏請

墨詔殷勤擢俊賢精求毗佐四方翰封疆謹守盧 塞旌
旆仍親上將壇衰草帶霜秋馬健黃雲遮日暮城寒燕南
趙北邊之要旅拒憑君一策安

竊聞集賢侍郎政成公暇時出游覽因念青社境物
之勝長句四韻奉寄觀文殿大學士戶部侍郎定
州路安撫使兼知定州龐籍上

政報公餘稱雅懷兩城煙樹盡樓臺波通龍口春戲盛
廣固通五龍口雲入山門曉望開勞頭山一園館有詩書命筆海

邦無寇破蠻才當時不俟交符印恨失嵐亭展燕壘
到塞後有懷青社詩今錄呈

初到營陵春始回泱泱風物接梧臺魚鹽利重通闕盛
琴聲和讌席開天際膚雲連岱色海中靈藥慕仙才早知
未許身閑去悔捨堯山石澗來並青州遊賞最勝處

觀文相公以靖忝承善政特寄嘉篇謹依嚴韻和訓
幸奉前規盡所懷閑身吏隱裕春臺山迴翠幌憑欄見花
簇紅房遶郭開青州紅牡丹洛下有愛樹細民思美化續
貂孤跡愧非才南河舊事依然在襖飲杯盤耻畫壘

和董職方見示初到番禺詩

五方殊俗古難并千載猶存故越城今子城及東有故壘俗號趙陀城客
聽潮鷄迷早夜三更潮上人瞻颶母識陰晴颶風欲至西黑雲起謂之

母願波濤洶湧天邊濶犀象爛編徼外生太守不才當遠寄
惟憂南畝廢農耕

遊應聖宮

驅羸遠遠出巖闈雲構祠宮絕世塵伴鶴不知龜甲子
斷山多見藥君臣雨昏仙穴丹砂井雲映樓居玉洞人只待
策勸書竹帛抽簪來此卜比鄰

西山

萬壑千巖鬪物華
稽筭閑訪道生涯
一壇星斗脩真館
數里雲煙斲藥家
魚戲竹溪寒影碎
路穿松塢翠陰斜
桃源自有神仙宅
未信明河八月槎

賀孫抗員外春晝端居

萬事皆從適意休
何須快馬騁長楸
高人鼓吹鳴哇地
當世神仙笑覺樓
燕到捲簾如舊分
花開逢雨最閑愁
僧來便學嘗茶訣
白乳槍旗帶露收

謝孫抗員外惠酒

白衣遠遠到江樓
報道攜壺助勝遊
醉眼便堪終日富
離腸先破一春愁
梅梢背嶺開猶晚
雪片當風舞未休
此景滿腸方得意
不須千釀敵封侯

馬當呼鷗不至偶成呈同行諸官

昔年曾泛馬當灣
團飯喚鷗篙楫間
今日江頭飛不下
應知人世足機關

再簡伯恭

十載京華九日期
帝家園苑醉金卮
今朝郭外尋僧話
坐聽寒泉遶竹籬

端午日寄酒寮回都官

龍舟爭快楚江濱，
弔屈誰知特愴神。
家釀寄君須酩酊，
古令嫌見獨醒人。

五色雀

羅浮有五色雀，
各被方色非時不見。
若士大夫將遊，
是山則先入羣翔寺。
僧以是為候，
某庚辰歲謫官來遊，
將至之夕，
茲雀亦集，
感之成詠云。

五方純色儼衣冠

尤可愛者朱藍正色若朝服焉

應是山靈寄羽翰，
多謝

相逢殊俗眼，
謫官猶作貴人看。

曲江津亭謁華嚴長老見所賜御書因成二韻

數年不待玉爐傍，
夢斷千山隔帝鄉。
今日見師堪下淚，
御書開卷帶天香。

重遊英州碧落洞

幽景前賢恨到難，
泉聲清淺出巖間。
區區宦路重來此，
征蠻廣州罷任塵世難逢特地閑。

歐陽文忠詩鈔

九

歐陽脩字永叔吉州永豐人天聖中進士補西京留守
推官召試學士院爲館閣校勘以書詆諫官高若訥貶
夷陵令徙乾德改判武成軍遷太子中允館閣校勘集
賢校理知太常理院出通判滑州慶曆初擢太常丞知
諫院拜右正言知制誥以朋黨出知滁州遷起居舍人
徙揚州頴州復龍圖閣直學士知應天府母憂起復判
流內銓以翰林學士修唐書加史館修撰勾當三班院
判太常寺拜右諫議大夫判尚書禮部又判秘書省兼
龍圖閣學士權知開封府唐書成拜禮部侍郎樞密副
使未幾叅知政事定議立英宗以觀文殿學士刑部尚
書知亳州徙青州蔡州以太子少師致仕卒贈太子太

師謚曰文忠其詩如昌黎以氣格為主昌黎時出排莽之句文忠一歸之于敦愉畧與其文相似也

黃牛峽一本無祠

大川雖有神一作固淫祀亦其一作本風俗石馬繫祠門山鵝

噪叢木潭潭村鼓隔溪聞楚巫歌舞送迎神畫船百丈山

前路上灘下峽長來去江水東流不暫停黃牛千古長如

故峽山侵天起青嶂崖崩路絕無由上黃牛不下江頭飲

行人惟向舟中望朝朝暮暮一作行終日見黃牛徒使行一作誰使

人過此愁山高更遠望猶見不是黃牛一作難中滯客舟日語

朝見黃牛暮見黃牛一朝一暮黃牛如故言江惡難行久不能過也

千葉紅梨花峽州署中舊有此花前無賞者知郡朱

紅梨千葉愛者誰白髮郎官心好奇徘徊遶樹不忍折一

日平市看無時夷陵寂寞千山裏地遠氣偏時節異愁煙

苦霧少芳菲野卉蠻花鬪紅紫可憐此樹生此處高枝絕

一作紅艷無人顧春風吹落復吹開山鳥飛來自飛去根盤

樹老幾經春真賞今纔遇使君風輕絳雪罇前舞日暖繁

香露下聞從來奇物產天涯安得移根植帝家猶勝張騫

為漢使辛勤西域徙榴花

和丁寶臣遊甘泉寺寺在臨江一山寺與縣廨相對

江上孤峰蔽綠蘿縣樓終日對峩叢林已廢姜祠在事

迹難尋楚語訛寺有清泉一泓俗傳為姜詩泉亦在此空餘

一派寒巖側澄碧泓涵玉色野僧豈解惜清泉蠻俗那

知為勝迹西陵老令好尋幽時共登臨向此遊欹危一選

穿林樾盤石蒼苔留客歇山深雲日變陰晴澗栢巖松度

歲青谷裏花開知地暖林間鳥語作春聲依依渡口夕陽
時却望層巒在翠微城頭暮鼓休催客更待橫江一作弄
月歸

贈杜默

一本注云默師太學先生石守道介

南山有鳴鳳其音和且清鳴於有道國出則天下平杜默
東土秀能吟鳳凰聲作詩幾百篇長歌仍短行攜之入京
邑欲使衆耳驚來時上師堂再拜辭先生先生領首遣教
以勿驕矜贈之三豪篇而我濫一名杜子來訪我欲求相
和鳴顧我文字卑未足當豪英豈如子之辭鏗鏗間鏞笙
淫哇俗所樂百身徒嚶嚶杜子卷舌去歸衫翩以輕京東
聚羣盜河北點新兵飢荒與愁苦道路日以盈子盍引其
吭發聲通下情上聞天子聰次使宰相聽何必九包一作

禽始能瑞

薦

堯庭子詩何時作我耳久已傾願以白玉

琴寓之朱絲繩

憶山示聖俞

吾思夷陵山山亂不可究東城一堠餘高下漸岡阜羣峰
迤邐接四顧無前後憶嘗祇吏役鉅細悉經覩是時秋卉
紅嶺谷堆纈繡林枯松鱗皴山老石脊瘦斷徑履頽崖孤
泉聽清溜深行得平川古俗見耕耨澗荒驚麀奔日出飛
雉雊盤石屢欹眠綠巖堪解綬幽尋歎獨往清興思誰侑
其西乃三峽嶮怪愈奇富江如自天傾一作岸立兩崖關
黔巫望西屬越嶺通南奏時時縣樓對雲霧昏白晝荒煙
下牢戍百仞寒溪激蝦蟇噴水簾甘液勝飲酎亦嘗到黃
牛泊舟聽猿狄嚶嚶起絕壁蒼翠非刻鏤陰崑下攢叢岫

定忽空透透岑聳孤出可愛欣欲就惟思得君詩古健寫
奇秀今來會京師車馬逐塵簪顏冠各白髮舉酒無舊袖
繁華不可慕幽賞亦難違徒為憶山吟耳熱助嘲詬

送唐生

一作送唐秀才歸永州

京師英豪域車馬日紛紛唐生萬里客一影隨一身出無
車與馬但踏車馬塵日食不自飽讀書依主人夜夜客枕
夢一作北風吹孤雲翩然動歸息且夕來叩一作門終年
少人識逆旅一作旅意惟我親來學媿道瞻一作贈歸慚一作嗟
橐貧勉之期不止多獲由力耘指家大嶺北重湖浩無垠
飛雁不可到書來安得一作能一作頻

聖俞會飲

時聖俞赴湖州一作送柳堯臣赴湖州

傾壺豈徒彊君飲解帶且欲留君談洛陽舊友一時散十

年會合無二三京師旱久塵土熱忽值晚雨涼纖纖一作霰

滑公井泉釀最美赤泥印酒新開緘更吟君句勝啖雉杏

花妍媚春酣酣君詩有春風酣酣春正妍之句吾交豪俊天下選誰一作難

得眾美如君兼一本有鏗鏘文律金玉寫森羅武庫戈戟銘兩句詩工鑿刻露天

骨將論縱橫輕玉鈴遺編最愛孫武說往往曹杜遭夷芟

關西幕府不能辟隴山一作西一作敗一作大將死可慚嗟余身賤

不敢薦四十白髮猶青衫吳興太守詩亦好往一作助一作奏玉

瑄和英威盃行到手莫辭醉明日一作發一作舉棹天東南

哭一作曼卿

嗟我識君晚君詩猶壯夫信哉天下奇落落不可拘軒昂

懼驚俗一作以自隱酒之徒一飲不計斗傾河竭崑墟作詩

幾百篇錦組聯瓊瑤時時出險語意外研精麤窮奇變雲

烟搜怪蟠蛟魚詩成多自寫筆法頗與虞旋弃不復惜所
存今幾餘往往落人間藏之比明珠又好一作題屋壁虹
蛻隨卷舒遺蹤處處在餘墨潤不枯胸山頃歲出我亦斥
江湖乖離一作四五載人事忽焉一作殊歸來見京師心
老貌已癯但驚何其衰豈意今也無才高不少下濶若與
世疎驛驛當少時其志萬里塗一旦老伏櫪猶思玉山芻
天兵宿西北狂兒尚稽誅而今壯士死痛惜無賢愚歸魂
渦上田露草荒春燕

送曇穎歸廬山

吾聞廬山久欲往世俗拘昔歲貶夷陵扁舟下江湖八月
到湓口停帆望香爐香爐雲霧間杳靄疑有無忽值秋日
明彩翠浮空虛信哉奇且秀不與滯霍俱偶病不時往中
流但踟躕今思尚髣髴恨不傳畫圖曇穎十年舊風塵客
京都一旦不辭訣飄然卷衣一作裾山林往不返古亦有
吾儒西北苦兵戰江南仍旱枯新秦又攻寇京陝募兵夫
聖君念蒼生賢相思良謨嗟我無一說朝紳拖舒舒未能
膏鼎鑊又不老菰蒲羨子識所止雙林歸結廬

送慧勤歸餘杭

越俗僭宮室傾貲事雕牆佛屋尤其侈耽耽擬侯王文彩
瑩丹漆四壁金焜煌上懸百寶蓋宴坐以方床胡為弃不
居棲身客京坊辛勤營一室有一作類燕東梁南方精飲
食菌笋鄙羔羊飯以玉粒粳調之甘露漿一饌費千金百
品羅成行晨興未飯僧日晏不敢嘗乃茲隨北客枯粟充
飢腸東南地秀絕山水澄清一作光餘杭幾萬家日夕焚

清香煙霏四面起雲霧雜芬芳豈如車馬塵鬢髮染成霜
三者孰苦樂子奚一作勤四方乃云慕仁義奔走不自遑
始知仁義力可以治膏肓有志誠可樂一作及時宜自彊
人情重懷土飛鳥息故鄉夜枕聞北雁歸心逐南橋歸兮
能來否送子以短章

讀張李二生文贈

一本作謝張續李常寄

石先生

先生石介也

先生二十年東魯能使魯人皆好學其間張續與李常剖
琢珉石一作如剖珉石一作如剖衆石得天璞大圭雖不假雕琢一作但
未磨礪出圭角二生固是天下寶豈與先生私褚蒙先生
示我何矜誇手攜文編謂新作得之數日未暇讀意欲百
事先一作屏却夜歸獨坐南窓下寒燭青燄如熠燿病眸
昏澀乍開緘燦若月一作星明錯落詞嚴意正質非俚一作

高且簡

古味雖淡醇不薄千年佛老若佛賊中國禍福依憑

羣黨惡拔根掘窟期必盡有勇無前力何榮乃知三子果

可用非獨詞一作特言堅由志確朝廷清明天子聖陽德彙進

羣陰剝大烹養賢有列一作鼎豈久師門共藜藿一作有

魯魯皆化苟用於朝其利博予一作我一作慚職諫未能薦有酒

且慰先生酌

絳守居園池

嘗聞紹述絳守居偶來覽登周四隅異哉樊子怪可吁心
欲獨出無古初窮荒搜幽入有無一語詰曲百盤紆孰云
已出不剽襲句斷欲學盤庚書一本有方言爾雅不訓詁
荒煙古木蔚遺墟我來嗟砥一作得其餘栢槐端莊偉丈
夫蒼顏鬱鬱老不枯靚容新麗一何姝清池翠蓋擁紅蕖

胡翮虎搏豈足道記錄細碎何區區
處氏八卦畫河圖禹湯臯虺一作陶
豎唐虞豈不古與萬世模嫉世
姣巧一作好習卑汗以奇矯薄駭羣
愚用此猶得追韓徒我思其人為
躊躇作詩聊謔為坐娛

晉祠一本作過并州晉祠泉

古一作故城南出十里間鳴渠夾路一作石渠夾道何潺潺行人望

祠下馬謁退即祠下窺水源地靈草木得餘潤鬱鬱古一作

松栢含蒼煙并兒自古事一作重豪俠戰爭五代幾百年天

開地闢真主出猶須再駕方凱旋頑民盡遷高壘削秋草

自綠埋空垣一作空塞垣并人昔遊晉水上清鏡照耀涵朱

顏晉水今入并州裏稻花漠漠澆平田廢興髮髯無舊一作

故老氣象寂寞餘山川惟存祖宗聖功業干戈象舞被管

絃我來覽登為歎息暫照白髮臨清泉鳥啼人去廟門闔

還有山月來娟娟

水谷夜行寄子美聖俞

寒一作晨鷄號荒林山壁月倒挂披衣起視夜攬轡念行邁

我來夏云初素節今已屆高河瀉長空勢落九州外微風

動涼襟曉氣清餘睡一作清餘暖緬懷京師友文一作有酒邈一作

邀高會其間蘇與梅二子可畏愛篇章富縱橫聲價相磨

摩一作蓋子美氣尤雄萬竅號一噫有時肆顛狂醉墨洒霧

霏譬一作勢如千里馬已發不可殺盈前盡珠璣一一難東

汰梅翁事清切石齒漱寒瀨作詩三十年視我猶後一作後

輩文詞愈清新心意雖一作難老大譬如妖韶女老自有

餘態近詩尤古硬一作淡咀嚼苦難嚼初如食橄欖真味久

愈在蘇豪以氣轢一作舉世徒驚駭梅窮獨我知一作我
古貨今難賣一作誰買今二子雙鳳凰百鳥之嘉瑞雲煙一翺
翔羽翮一摧鍛安得相從遊終日鳴噦噦問胡一作相問苦思
之對酒把一作把新蟹

病中代書奉寄聖俞二十五兄

憶君去年來自越值我傳車催去闕是時新秋蟹正肥恨
不一醉與君別今年得疾因酒作一春不飲氣彌劣飢腸
未慣飽甘脆一作平生作九蟲寸白一作腹爭爲孽一飽
猶能致身患寵祿豈無神所罰乃知賦子分有涯適分自
然無天闕昔在洛陽年少時春息每先花亂發萌芽不待
楊柳動探春馬蹄常踏雪到今年纔三十九怕見新花羞
白髮顏侵塞下風霜色病過鎮陽桃李月兵閒事簡居可

樂心意自衰非屑屑日長天暖惟欲睡睡美尤厭春鳩聒
北潭去城無百步淥水冰銷魚撥刺經時曾未著脚到好
景但聽遊人說官榮雖厚世味薄始信衣纓乃羈絆故人
有幾獨息君安得見君憂暫豁公厨酒美遠莫致念君貫
慣一作飲衣屢脫郭生書來猶未到想見新詩甚飢渴少年
事事今已去惟有愛詩心未歇君閑可能爲我作莫辭自
書藤紙滑少低筆力容一作留我和無使難追韻高絕

班班林間鳩寄內

班班林間鳩穀穀命其匹迨天之未雨與汝勿相失春原
洗新霽綠葉暗朝日鳴聲相呼一作呼應答如吹一作若
嘉律深棲柔柔暖下啄高田實人皆笑汝拙無巢以家室
易安由寡求吾羨拙之佚吾雖有室家出處曾不一一本

如鳴鳩樂天性免垂拂兩句荆蠻昔竄逐奔走若鞭扶山川瘴霧深江
海波濤颶跬步子所同淪弃甘共沒投身去人眼已去誰
復嫉山花與野草我醉子鳴瑟但知貧賤安不覺歲月忽
還朝今幾年官祿需見姪身榮責愈重器小憂常溢今年
來鎮陽留滯見春物北潭新漲綠魚鳥相聱取魚一切一作權聲逸
我意不在春所憂空自咄一官誠易了報國何時畢高堂
母老矣衰髮不滿櫛昨日寄書言新陽發舊疾藥食一作石
子雖勤豈若我在膝又云子亦病蓬首不加髻書來本慰
我使我煩憂鬱思家春夢亂妄意占凶吉却思夷陵囚其
樂何可述前年辭諫署朝議不容乞孤忠一許國家事豈
復一作暇卹橫身當眾怒見者旁可慄近日讀除書朝廷更
輔弼君恩優大臣進退禮有秩小人妄希旨論議爭操筆

又聞說朋黨次第推甲乙而我豈敢逃不若先自劾上賴

天子聖必未一作未必加斧鑕一身但得貶羣口息啾唧公朝

賢彥眾避路一作讓當揣質苟能因謫去引分患藏密還爾

禽鳥性樊籠免驚一作怵子意其謂何吾謀今已必一本有誠

便可齊升子能一作如甘藜藿我易解簪紱嵩峰三十六蒼

翠爭聳出安得攜子去耕桑老蓬蓽

暮春有感

幽憂無以銷春日靜愈長薰風入花骨花枝午低昂往來
採花蜂清蜜未滿房春事已爛漫落英漸飄揚蛺蝶無所
爲飛飛助其忙啼鳥亦屢變新音巧調篔簹遊絲最無事百
尺拖晴光天工施造化萬物感春陽我獨不如春久病卧
空堂時節去莫挽浩歌自成傷

洛陽牡丹圖

洛陽地脉花最宜牡丹尤為天下奇我昔所記數十種於
今十年半忘之開圖若見故人而其間數種昔未窺客言
一作近歲花特異往往變出呈新枝洛人驚誇立名字買
種不復論家貲比新較舊難一作優劣爭先擅價各一時
當時絕品可數者魏紅窈窕姚黃妃壽安細葉開尚少一作
早朱砂玉版人猶一作未知傳聞千葉昔未有只從左紫名
初馳四十年間花百變最後最好潛溪緋今花雖新我未
識未信與舊誰妍媸一作當時年一作所見已云絕豈有更好一作
妍此可疑古稱天下無正色但恐世好隨時移鞞紅鶴翎
豈不美斂色如避新來姬何況遠說蘇與賀有類異世誇
嬌施造化無情宜一槩偏此著意何其私又疑人心愈巧

偽天各一作欲鬪巧窮精微不然元化朴散久豈特近歲猶

澆漓爭新一作先一作鬪麗若不已更後百載知何為但應新花

日愈好惟有我老年年衰

鎮陽讀書

春深夜苦短燈冷焰不長塵蠹文字細病昨澀無光坐久
百骸倦中遭羣慮戕尋前顧後失得一念一作而一作十忘乃知
學在少老大不可彊廢書誰與語歎息自悲傷因憶石夫
子徂徠有茅堂前年來京師講學居上庠青衫綴朝士面
有一作乃一作數畝桑不耐羣兒嗤束書歸故鄉却尋茆堂在高
卧泰山傍聖經日陳前弟子羅兩廂大論叱佛老高聲一作
言誦虞唐賓朋足棗栗兒女飽糟糠雖云待官闕便欲解
朝裳有似蠶作繭縮身思自藏嗟我一何愚貪得不自量

平生事筆硯自可娛文章開口攬時事論議爭煌煌退之
嘗有云名聲暫羶香誤蒙天子知侍從列班行官榮日已
寵事業闇不彰器小而一以任大躋顛理之常聖君雖不
誅在汝爾一作豈自遲不能雖欲止一作恍一作若失其方却欲
尋舊學舊學已榛荒有類邯鄲步兩失皆茫茫便欲乞身
去君恩厚須償又欲求一州俸錢買歸裝譬如歸巢鳥將
棲少徊翔自覺誠未晚收愚老縑緗

讀一本有蟠桃詩寄子美

韓孟於文詞兩雄力相當一本有偶以怪自嚴篇章綴談
笑雷電擊幽荒衆鳥誰敢和鳴鳳呼其皇孟窮苦纍纍韓
富浩穰穰窮者啄其精富者爛文章發生一爲宮擊斂一
爲商二律雖不同合奏乃鏘鏘天之產奇怪希世不可常

寂寥二百年至寶埋無光郊死不爲鳥聖俞發其藏患世
愈不出孤吟夜號一作夜霜霜寒入毛骨清響哀一作愈

長玉山未難熟終歲苦飢腸我不能飽之更欲不自量引

吭和其音力盡猶勉強一本有嗟我於韓徒足未及其嚮

誠知非所敵但欲繼前芳近者蟠桃詩有傳來北方發我

哀病思藹如得春陽欣然便欲和洗硯坐中堂墨筆不能

下悅悅一作恍若有亡老雞觜爪硬未易犯其場不戰先一本

輒自知雖奔然一作未甘降更一作欲呼子美子美隔濤江

其人雖憔悴其志獨軒昂一作昂氣力誠當對勝敗可交相

安得二子接揮鋒兩交鏖我亦願助勇鼓旗譟其旁快哉

天下樂一醕宜百觴垂離難會合此志何由償

啼鳥

窮山候至陽氣生百物如與時節爭官居荒涼草樹密攬
亂紅一作亂紅英紫開繁英花深紫暗耀朝日日一作暖眾鳥
皆嚶鳴鳥言我豈解爾意綿蠻但愛聲可聽南窓睡多春
正美百舌未曉催天明黃鸝顏色已可愛舌端啞吃如嬌
嬰竹林靜啼一作啼盡青竹笋深處不見惟聞聲陂田遠郭白
水滿戴勝穀穀催春耕誰謂鳴鳩拙無用雄雌各自知陰
晴雨聲蕭蕭泥滑滑草深苔綠無人行獨有花上提葫蘆
勸我沽酒花前傾其餘百種各啣嗜異鄉殊俗難知名我
遭讒口身落此每聞巧舌宜可憎春到山城苦寂寞把盞
常恨無娉婷花開鳥語輒自醉醉與花鳥爲交友一作朋花
能嫣然顧我笑鳥勸我飲非無情身閒酒美惜光景惟恐
鳥散花飄零可笑靈均楚澤畔離騷憔悴愁獨醒

讀徠集

徠徠魯東山石子居山阿魯人之所瞻子與山嵯峨今子
其死矣東山復誰過精魄已埋沒文章豈能磨壽命雖不
長所得固已多舊藁偶自錄滄溟之一蠹其餘誰付與散
失存幾何存之警後世古鑑照妖魔子生誠多難憂患靡
不罹音羅宦學三十年六經老研摩問胡所專心仁義丘與
軻楊雄韓愈氏此外豈知他尤勇攻佛老奮筆如揮戈不
量敵眾寡膽大身么麼往年遭母喪泣血走岷峨垢面跣
雙足鉏犁事田坡至今鄉里化孝悌勤蠶禾昨者來太學
青衫踏朝靴陳詩頌聖德厥聲續河那羔雁聘黃晞晞驚
走鄰家施爲可怪駭世俗安委蛇謗口由此起中之若飛
梭上賴天子聖不挂網若羅意在太學年大雪如翻波生

徒日盈門飢坐列雁鵝絃誦聒鄰里唐虞賡詠歌常續最
高第騫游各名科豈止學者師謂宜國之皤夭壽反仁鄙
誰尸此偏頗不知詼詼者又忍加詆訶聖賢要久遠毀譽
暫誼譁生爲舉世疾死也一作古人嗟作詩遺魯社祠子
以爲歌

百一作子坑賽龍

嗟龍之智誰可拘出入變化何須臾壇平樹古潭水黑沉
沉影響疑有無四山雲霧忽晝合瞥起直上擎空虛龜魚
帶去半空落雷輻電走先後驅傾崖倒澗聊一戲頃刻萬
物皆涵濡青天却掃萬里靜但見綠野如雲敷明朝老農
拜壇側鼓聲坎坎鳴山隅野巫醉飽廟門闔狼藉鳥鳥爭
殘餘

憎蚊

乾坤量廣大善惡皆含有荒荒一作三五前民物交相黷
禹鼎象神姦蛟龍遠潛伏周公驅猛獸人始居川陸爾來
千百年天地得清肅大患已云除細微遺不錄蠅蚋蚤蝨
蟻蜂蝎虻蛇蝮惟爾於其間有形纔一粟雖微無奈衆惟
小難防毒嘗聞高郵間猛虎死凌辱哀哉露筋女萬古讐
不復水鄉自宜爾可怪窮邊俗晨殮下帷幃盛暑泥駒犢
我來守窮山地氣尤卑溽官閒懶所便惟睡宜偏足難堪
爾類多枕席馱綠撲燻簷一作苦煙埃燎壁疲照燭荒城
繁草樹旱氣飛炎炳羲和驅日車當午不轉轂清風得夕
涼如赦脫囚桎掃庭露青天坐月蔭嘉木汝寧無他時一作
日忍此見迫促翻翻伺昏黑稍稍出壁屋填空來若翳聚

隙多可掬叢身疑陷圍聒耳如遭哭猛攘欲張拳暗中甚
一作飛鏃手足不自救其能營背腹盤飡勞扇拂立寐疆
僮僕端然窮百計還坐瞑雙目於吾固不較在爾誠為酷
誰能推物理無乃乖人欲騶虞鳳皇麟千載不一矚患之
不可見惡者無由逐

重讀徂徠集

我欲哭石子夜開徂徠編開編未及讀涕泗已漣漣勉盡
三四章收淚輒忻懽切切一作昭昭善惡戒丁寧仁義言
如聞子談論疑子立我前乃知長在世誰謂已一作沉泉
昔也人事乖相從常苦艱今而每息子開卷子在顏我欲
貴子文刻以金玉聯金可爍而銷玉可碎非堅不若書一作
傳以紙六經皆紙傳但當書百本一作傳十傳百以為千

或落於四 或藏在深山待彼謗焰一作熄放此光芒懸

人生一世中長短無百年無窮在其後萬世在其先得長
多幾何得短未足憐惟彼不可朽名聲文行然讒誣不須
辨亦止百年間百年後來者憎愛不相緣公議然後出自
然見媼妍孔孟困一生毀逐遭百端後世苟不公至今無
聖賢所以忠義士恃此死一作輕不難當子病方革謗辭
正騰喧衆人皆欲殺聖主獨保全已埋猶不信僅免斷其
棺此事古未有每息輒長嘆我欲犯衆怒為子記此冤下
紆冥冥忿仰叫昭昭天書於蒼翠石立彼崔嵬巔詢求子
世家恨子兒女頑經歲不見報有辭未能銓一作忽開子
遺文使我心已寬子道自能久吾言豈須鑄

汝瘦答仲儀

一作答士素汝瘦

君嗟汝瘦多誰謂汝土惡汝瘦雖云苦汝民居自樂鄉閭
同飲食男女相媒妁習俗不為嫌譏嘲豈知作汝山西南
險平地猶磽确一作确一作磽汝樹生擁一作擁腫根株浸
溪谿山川固已然風氣宜其濁接境化襄鄧餘風被伊雒
思予昔曾游所見可驚愕嗟嗟聞語笑纍纍滿城郭偃婦
懸甕盎嬌嬰包卵殼無由辨肩頸有類龜縮殼噫人稟最
靈反不如鳧鶴駢枝雖形累小小固一作固可略癰瘍暫畜
聚決潰終當涸贅疣附支體幸或不為虐未若此巍然所
生非所託咽嗟繫性命鍼石難一作難削農皇古神聖為
世名百藥豈不有方書頑然莫銷爍一作爍温湯汝靈泉亦
不能湔淪君官雖謫居政可瘳一作瘳民瘼奈何不哀憐而
反恣詞一作恣諶文辭騁新工醜怪極名貌汝士雖多奇汝

女少纖弱翻息太守宴誰與唱清角乖離南北殊魂夢山
陂逸握手未知期寄詩聊一噓

滄浪亭一本止云寄題子美

子美寄我滄浪吟邀我共作滄浪篇滄浪有景不可到使
我東望心悠然荒灣野水氣象古高林翠阜相回環新篁
抽笋添夏影一作影老桤亂發爭春妍水禽閒暇事高格山
鳥日夕相啾喧不知此地幾興廢仰視喬木皆蒼煙堪嗟
人迹到不遠雖有來路曾無緣窮奇極怪誰似子搜索幽
隱探神仙初尋一逕入蒙密豁目異境無窮邊風高月白
最宜夜一片瑩淨鋪瓊田清光不辨水與月但見空碧涵
漪連一本有姑嶺臺邊人響絕清風明月本無價可惜祗
賣四萬錢又疑此境天乞與壯士憔悴天應憐鴟夷古亦

有獨往江湖波濤渺翻天崎嶇世路欲脫去反以身試蛟
龍淵豈如一作扁舟任飄兀紅渠淥浪搖醉眠丈夫身在
豈長弃新詩美酒一作詩聊窮年雖然不許俗客到莫惜
佳句人間傳

菱溪大

一本無石

新霜夜落秋水淺有石露出寒溪垠苔昏土蝕禽鳥啄出
沒溪水秋復春溪邊老翁生長見疑我來視何殷勤愛之
遠徙向幽谷曳以三犢載兩輪行穿城中罷市看但驚可
怪誰復珍荒煙野草埋沒久洗以石竇清冷泉朱欄綠竹
相掩映邊一作致佳處當南軒南軒旁列千萬峰曾未有
此奇嶙峋乃知異物世所少萬金爭買傳幾人山河百戰
變陵谷何爲落彼荒溪濱山經地誌不可究遂令異說爭

紛紜皆云女媧初鍛鍊融結一氣凝精純仰視蒼蒼補其
缺染此紺碧瑩且溫或疑古者燧人氏鑽以出火爲炮燔
苟非神聖親手迹不爾孔竅一作誰雕剜又云漢使把漢
節西北萬里窮崑崙行經于闐得寶玉流入中國隨河源
沙磨水激自穿穴所以鑿鑿無瑕痕嗟予有口莫能辨歎
息但以兩手捫盧仝韓愈不在世彈壓百怪無雄文爭奇
鬪異各取勝遂至荒誕無根原天高地厚靡不有一作醜
好萬狀奚足論惟當掃雪席其側日與嘉客陳清樽

豐樂亭小飲

造化無情不擇物春色亦到深山中山桃溪杏少意思一作
有誰自趁時節開春風看花游女不知醜古粧野態爭花
紅人生行樂在一作當勉彊有酒莫負瑠瓠鍾主人勿笑花

與女嗟爾自是花前翁

希真堂東

一本無東字

手種菊花十月始開

當春種花唯恐遲我獨種菊君勿謂春枝滿園爛張錦風
雨須臾落顛倒看多易厭情不專鬪紫誇紅隨俗好豁然
高秋天地肅百一作萬物衰零誰暇弔君看金藥正芬敷曉
日浮霜相照耀一本有後時寧與松柏榮煌煌正色秀可
餐藹藹清香寒愈峭高人避喧守幽獨淑女靜一作容脩
一作羞窈窕方當搖落看轉佳慰我寂寥何以報時攜一罇
相就飲如得貧交論久要我從多難壯心衰迹與世人殊
靜躁種花勿一作不種兒女花老大安能逐年少

懷嵩樓晚飲示徐無黨無逸

示字

一本作奉和徐生見示懷嵩樓晚飲一本無見

滁山不車滁水不通舟舟車路所窮嗟誰官來游念非
吾在此二子來何求不見忽三年見之忘百憂問其別後
學初若繭緒抽縱橫漸組織文章爛然浮引伸無窮極卒
斂以軻丘少進日如此老退誠可羞樊邑亦何有青山遶
城樓冷冷谷中泉吐溜彼一作被山幽石醜駭溪怪天奇瞰
龍湫子初如可樂久乃歎以愀云此譬圖畫暫看已宜收
荒涼一作村草樹間暮館城南阪破屋仰見星窓風冷如鏤
歸心中夜起輾轉卧不周我為辦酒看羅列蛤與蚌酒酣
微探之仰笑不領頭曰予非此儂又不負譴尤自非世不
容安事此為囚幸以主人故崎嶇幾擢輶一來勤已多而
况欲久留我語頓遭屈顏慚汗交流川塗冰已壯霰一作霜
雪行將稠羨子兄弟秀雙鴻翔高秋噤噤飛且鳴歲暮憶

南州飲子今日歡重我明日愁來貶辱已厚贈言媿非酬
贈無爲軍李道士二首 名景仙

無爲道士三尺琴中有萬古無窮音音如石上瀉流水瀉
之不竭由源深彈雖在指聲在意聽不以耳而以心心意
既得形骸忘不覺天地白日愁雲陰

李師琴紋一作形如卧蛇一彈使我三洛嗟五音商羽上肅

殺颯颯坐上風吹沙忽然黃鍾回暖律當冬草木皆萌芽

郡齋日午公事退荒涼樹石相交加李師一彈鳳皇聲空

山百鳥停嘔啞我怪李師年七十面目明秀光如霞問胡

以然一作試問胡然笑語我慎勿辛苦求丹砂惟當養其

根自然燁其華一本無又云理身如理琴正聲不可干以

邪我聽其言未云足野鶴何事還思家抱琴揖我出門去

獵獵歸袖風中斜

酬學詩僧惟晤

詩三百五篇作者非一人羈臣與弃一作賤妾桑濮乃淫奔

其言苟一作或可取疵雜不全純子雖爲佛徒未易廢其言

其言在合理但懼學不臻子佛一作之與吾儒異轍難同輪

一作其論子何獨吾慕自忘 其身苟能知所歸固有路自新

誘進或可至拒之誠不仁維詩於文章太山一浮塵又如

古衣裳組織一作繡爛成文拾其裁剪餘未識袞服尊嗟子

學雖一作已勞徒自苦骸筋一作涉勤勤袖卷軸一歲三

及門惟一作何求一言榮歸以耀其倫與夫榮其膚不若啓

一作習其源韓子亦嘗謂收斂加一作以冠巾

別後奉寄聖俞二十五兄 一本作叙別寄聖俞兼酬

長河秋雨多夜插寒潮一作湖入歲暮孤舟遲客心飛鳥急

君老忘卑窮文字或綴緝餘生苦難厄一作世險陷已習

離合二十年垂睽多聚集常時飲酒別今別輒飲泣君曰

吾老矣不覺兩袖濕我年雖少君白髮已揖揖即入憶初

京北門送我馬暫立自茲遭檻穽一落誰引汲顛危偶脫

死藏鼠甘自繫一作但令身尚在果得手重執聞來喜迎

前貌改驚乍揖別離纔幾時舊學廢百十殘章一作與斷

藁草草各收拾空窓一作語青燈夜雨聽霏霏一作明朝

解舟南歸翼縱莫戢還期明月飲幸此中秋及酒酣弄篇

章四坐困供給歡言正喧譁別意忽於邑日暮北亭上濁

醪聊一作共挹輕一作橈動翩翩晚水明熠熠行心一作去雖迫訣語出猶澁歸來錄君詩卷軸多鱗鱗誰一作云

已老矣意氣何業岌惜哉方壯時千里足常馬知之莫子

深力不足呼吸歎吁偶成篇聊用綴君什

紫石屏歌一本作月石觀屏歌寄海子美

月從海底來行上天東南正當天中時下照千丈潭潭心

無風月不動倒影射入紫石巖月光水潔石瑩淨一作感

此陰魄來中潛自從月入此石中天有兩曜分為三清光

萬古不磨滅天地至寶難藏緘天公呼雷公夜持巨斧墮

嶺巖墮此一片落千仞皎然寒鏡在玉險蝦蟆白兔走天

上空留桂影猶杉杉一作景山得之一作惜不得贈我

意與一作千金兼自云每到月滿時石在暗室光出簷大

哉天地間萬怪難悉談嗟予不度量每事息窮探欲將兩

耳目所及而與造化爭毫纖煌煌三辰行日月尤尊嚴若

令下與物爲比擾擾萬類將誰瞻不然此石竟何物有口
欲說嗟如鉗吾奇一作知蘇子智羅列萬象中包含不惟智
寬膽亦大屢出言語驚愚凡自吾得此石未見蘇子心懷
慚不經老匠先指決有手誰敢施鐫鑿呼工畫石持寄似
一作此幸子留意其無謙

獲麟贈姚闕先輩

世已無孔子獲麟意誰知我嘗爲之說聞者未免非而子
獨曰然有如頃應麓惟麟不爲瑞其意乃可推春秋二百
年文辭一作約義甚夷一從聖人沒學者自爲師崢嶸衆家
說平地生嶮巇相沿益迂怪各闕出新奇爾來千餘歲一作
千歲餘舉世不知迷焯哉聖人經照耀萬世疑自從蒙
衆說日月遭蔽虧常患無氣力掃除浮雲披還其自然光

萬物皆見之子昔已好古此經手常持超然出衆見不爲
俗牽卑近又脫賦一作格飛黃擺銜羈聖門開大道夷路
肆騰嬉便可勦衆說旁通一作異端塞多歧正途趨一作簡易
慎勿事嘔崎著述須待老積勤宜少時苟息垂後世大禹
尚胼胝顧我今老矣兩瞳一作目作眼蝕昏眵大書難久視心
在力已衰因息少自弃今縱悔可追戒我以勉子臨文但
吁噓

答呂公著見贈

一本作奉答通判太博爲予不飲見贈之作

晉人歌蟋蟀孔子錄於詩因知聖賢心豈不惜良時行樂
不及早朱顏忽焉衰馳光如驟裏一去不可追今也不彊
飲後雖悔奚爲三年謫永陽陷窞不知危種樹滿幽谷疏
泉瀉清池新陽染山木撩亂發枯枝無人歌青春自醜白

玉卮今者荷寬宥一作恩乞得一作州從爾宜西湖舊已聞既
見又過之蒹菼間紅綠鴛鴦浮渺瀰四時花與竹罇俎一作
酒動可隨况與賢者同薰然襲一作偉蘭芝醪醅寒且醜清
唱婉而遲一作奇四座各已醉臨觴獨何疑昔人逢麴車流
涎尚垂頤况此杯中趣久得樂無涯多憂衰病早心在良
可噫一作喜譬若卧櫪馬聞聲一作鼓尚鳴悲春膏已動脉一作
忽已百卉漸歲蕤丹砂得新方舊疾庶可治尚可執鞭弭
周旋以忘疲

送滎陽魏主簿廣一本作送魏廣

卓犖東一作魏都子姓名聞十年窮冬雪塞空千里至我門
子足不及闕我衣驚倒顛僕童一作童相視疑察吏或不然
僂舌鴈啄進趨息雁聯青衫靴一作兩靴脚言色倩一作情

以温於公門豈少乃獨得公懽受知固不易知士誠尤難
我思屈童吏欲辯難以言觴豆及嘉節高堂列羣賢文章
看落筆論議馳後先破石出至寶決高瀉長川光輝相磨
晻浩渺肆波瀾察吏媿我歎僕童一作童恪生顏我顧察吏
嘻士豈以此觀此聊為戲耳以驚僕童一作童昏士欲見其
守視其居賤貧欲知其所趨試以義利干我試識其面已
窺其肺肝禮有來必往木瓜報琅玕十年思見之一日捨
我還何用慰離居贈子以短篇

食糟民

田家種糯官釀酒權利秋毫升與斗酒沽得錢糟弃物一作
不一作大屋經年堆欲朽酒醅灑潑如沸湯東風來吹酒瓮香
纍纍罌與餅惟恐不得嘗官沽味醲村酒薄日飲官酒誠

可樂不見田中種糯人釜無糜粥度冬春還來就官買糟
食官吏散糟以為德嗟彼官吏者其職稱長民衣食不蠶
耕所學義與仁仁當養人義適一作識宜言可聞達力可施
上不能寬國之利下不能飽爾一作民之飢我飲酒爾食糟
爾雖不我責我責何由逃

伏日贈徐焦二生

一本作徐焦二子伏日游西湖余以病不能往因以贈之

徐生純明白玉璞焦子皎潔寒泉冰清光瑩爾互輝映當
暑自可消炎蒸平湖綠波漲渺渺高榭一作樹古木陰層層
嗟哉我豈不樂此心雖欲往身未能俸優食飽力不用官
閒日永一作心樂睡莫興不息高飛慕鴻鵠反此愁卧償蚊蠅
三年永陽子所見山林自放樂可勝清泉白石對斟酌巖
花野鳥一作草為交朋崎嶇欄谷窮上下追逐猿狖爭超騰

一作酒美賓嘉足自負飲酣氣橫猶驕矜奈何垂離纒幾
日蒼顏非舊白髮增彊歡徒勞歌且舞勉飲寧及合與升
行揩眼眵一作睫旋看物坐見樓閣先愁登頭輕目明脚力
健羨子志氣將飄爽只今心意已如此終竟事業知一作將
何稱少壯及時宜努力老大無堪還可憎

答原父

一作答劉廷評

炎歊鬱然蒸午景熾方燄子來清風興蕭蕭吹几簟又如
沃瓊漿遽飲不知厭嗟予學苦晚白首困鉛槧危疑奚一作
何所質孔孟久已空羣儒室自私惟子通且贍幸時巧一作
餘屢得飽飢歉嚴嚴一作落落春秋經大法誰敢覘一本有譬猶天之蒼
乃欲學而三才失綱紀一作紀綱五代極昏墊盜竊恣一作
篋英雄爭奪劍興亡兩倉卒事迹多遺欠一作纔能紀成

敗豈暇誅姦僭聞見慮孤寡一作是非誰證驗嘗欣同好
惡遂乞指瑕玷反蒙華袞褒如譽嫫母豔救非當在早已
暴一作惡何由斂苟能衰癆痼其可惜鍼砭風船或許邀湖
綠方豔豔

寄聖俞

一作因

案院至云見聖俞於城東輒書長

凌晨有客至自西爲詩老來何稽京師車馬曜朝日何
用擾擾隨輪蹄面顏憔悴暗塵土文字光彩垂虹霓空腸
時如秋蚓叫苦調或作寒蟬嘶語言雖巧身事拙捷徑耻
蹈行非迷我今俸祿飽餘賸念子朝夕勤鹽齏舟行每欲
載米送汴水六月乾無泥乃知此事尚難必何況仕路如
天一作梯朝廷樂善得賢衆臺閣俊彥聯簪屨朝陽鳴鳳
爲時出一枝豈惜容其棲古來磊落材與知窮達有命理

莫齊悠悠百年一瞬息俯仰天地身醯雞其間得失何足
校况與鳧鶩爭稗梯憶在洛陽年各一作少對花把酒傾
玻璃二十年間幾人在在者憂患多垂睽我今三載病不
飲眼眇不辨駟與驪壯心銷盡意閒處生計易足纔蔬畦
優游琴酒逐漁釣上下林壑相攀躋及身疆一作健始爲
樂莫待衰病須扶攜行當買田清潁上與子相伴把鉏犁

再和聖俞見答

兩畿相望東與西書來三日猶爲稽短篇投子譬瓦礫敢
辱報之金褭蹄文章至寶被埋沒氣象往往干雲霓飛黃
伯樂不世一作出四顧驥首空長嘶嗟哉我豈敢一作知
子論詩一作賴子初指迷子言古淡有真味大羹豈須調
以齏憐我區區欲彊學跛鼈曾不離汗泥問子初何得臻

此豈能直到無階梯如其所得自勤苦何憚入海求靈犀
周旋二紀陪唱和凡翼每並鸞皇棲有時爭勝不量力何
異弱魯攻彊齊念子京師苦憔悴經年陋巷聽朝音潮一作晨
雞兒啼妻噤一作喜午未飯得米寧擇糝與稊石上紫豪一作毫
家故有剡藤瑩滑如玻璃追惟平昔念少壯零落生死
嗟分睽一揮累紙恣奔放駿一作若若駕駱仍驂驪腹雖枵
虛氣豪橫猶勝諛笑病夏畦名聲不朽豈易得仕宦得路
終當躋年來無物不可愛花發有酒誰同攜問我居留亦
何事方春苦早憂民犁

送徐生一作徐無黨之澠池

河南地望雄西京相公好賢天下稱吹嘘死灰生氣燄談
笑暖律回嚴凝曾陪樽俎被顧盼羅列臺閣皆名卿一作才能

徐生南國後來秀得官古縣依峻陵脚靴手板實卑賤賢
雋未可吏事繩攜文百篇赴知己西望未到氣已增我昔
初官便伊洛當時意氣尤驕矜主人樂士喜文學幕府最
盛多交朋園林相映花百種都邑四顧山千層朝行綠槐
聽流水夜飲翠幙張紅燈爾來飄流二十載髣髴蕭索垂
霜冰同時並遊在者幾舊事欲說無人應一作應文章無用
等畫虎名譽過耳如飛蠅榮華萬事不入眼憂患百慮來
填膺羨子年少一作少年正得路有如扶桑初日昇名高場屋
已得雋世有龍門今復登出門相送親與友何異籬鷄瞻
雲鵬嗟吾筆硯久已格感激短章一作章句因子興

太白戲聖俞一作請李白集效其體

開元無事一作太平二十年五兵不用太白閒太白之精下人

間李白高歌蜀道難蜀道之難難於上青天李白落筆生
雲煙千奇萬險不可攀却視蜀道猶平川宮娃扶來白已
醉醉裏詩成醒不記忽然來一作乘興登名山龍咆虎嘯松
風寒山頭婆娑弄明月九域塵土一作下悲人寰吹笙飲
酒紫陽家紫陽真人駕雲車空山流水空流花飄然已去
凌青霞下看一作堪笑區區郊與島螢飛露濕吟秋草

和劉原父澄心紙一作奉賦澄心堂紙

君不見曼卿子美真奇才久已零落埋黃埃子美生窮死
愈貴殘章斷縈如瓊瑰曼卿醉題紅粉壁壁粉已剝皆煙
煤河傾崑崙勢曲折雪壓太華高崔嵬自從二子相一作沒
山川氣象皆低摧君家雖有澄心紙有敢下筆知誰一作宜
州詩翁餓一作欲死黃鵠折翼鳴聲哀有時得飽好言一作
似聽高唱傾金罍二子雖死此翁在老手尚能工剪裁奈
何不寄反示我如棄正論求俳談嗟我今衰不復昔空能
把卷闔且開百年干戈流戰血一國歌舞今荒臺當時百
物盡精好往往遺弃淪蒿萊君從何處得此紙純堅瑩膩
卷百枚官曹職事喜閒暇臺閣唱和相追陪文章自古世
不乏間出安知無後來

風吹沙一本題上有北字

北風吹沙千里黃馬行確犖悲摧藏當一作窮冬萬物慘顏
一作色冰雪射日生一作爭一作光芒一年百日風塵道安得朱
顏長美好攬鞍鞭馬行勿遲酒熟花開二月時

重贈劉原父一作憶昨呈劉原父

憶昨君當使北時我往別君飲君家愛君小鬟初買得如

手未觸新開花醉中上馬不知夜但見九陌燈火人喧譁
歸來不記與君別酒醒起坐空咨嗟自言我亦隨往矣行
卽逢君何恨邪豈知前後不相及歲日一作月怒怒行無涯
古北嶺口踏新雪馬孟山西看落霞風雲一作雪暮慘失道
路礪谷夜靜聞麕麕行迷方嚮但看日度盡山險方逾沙
客心漸遠誠易感見君雖晚喜莫加我後君歸祇一作纒
日君先躍馬未足誇新年花發見回雁歸路柳暗藏嬌鴉
而今一作來春物已爛漫念昔草木未芽人生每苦勞事
役老去尚能憐物華從今有暇卽相過安得載酒長盈車
贈沈遵一本贈沈博士歌并序

一本序云余昔於滁州作醉翁亭於琅琊山有記刻石
往往傳人間太常博士沈遵好奇之士也開而往遊焉
愛其山水歸而以琴寫之作醉翁吟一調惜不以傳人
者五六年矣去年冬予奉使契丹沈會予思冀之問

夜闌酒半出琴而作之予既嘉君之好尚又愛其琴聲
乃作歌以贈之

羣動夜息浮雲陰沈夫子彈醉翁吟醉翁吟以我名我初
聞之喜且驚宮聲三疊何冷冷酒行暫止四座傾一本有
為君屏

百慮各以兩
耳聽兩句有如風輕日煖好鳥語夜靜山響春泉鳴坐

思千巖萬壑醉眠處寫君三尺膝上橫沈夫子恨君不爲
醉翁客不見翁醉山間亭翁歡不待絲與竹把酒終日聽

泉聲有時醉倒枕溪石青山白雲爲枕屏花間百鳥喚不
覺日落山風吹自醒一本有沈夫子君過滁陽今幾時
人皆喜醉翁醉至今人人能道之長

記山間逢太守籃輦
醉卽插花歸六句我時四十猶彊力自號醉翁聊戲客
爾來憂患十年間一本客字下作爾來纔十年遇
酒飲不得軒裳外飾誠可榮髣髴未

老嗟先白滁人息我雖未忘見我今應不能識沈夫子愛
君一罇復一琴萬事不可干其心自非曾是醉翁客莫向

俗耳求知音

一本末兩句作高懷所得貴自適俗耳何用求知音可笑人生不飲酒誰知白首戀黃金

答聖俞

一本題下有高車見過

人皆喜詩翁有酒誰官一醉之嗟我獨無酒數往從一作
翁何所為翁居南方我北走世路離合安可期汴渠千艘
日上下來及水門猶未知五年不見勞夢寐三日始往何
其遲城東賺河有名字萬家弃水為汙池人居其上苟賢
者我視此水猶漣漪入門下馬解衣帶共坐習習清風吹
溼薪熒熒煮薄茗四顧壁立空無遺萬錢方丈飽則止一
瓢飲水樂可涯况出新詩數十首珠璣大小光陸離他人
欲一不可有一作君家筐篚滿莫持才大一作名高乃富
貴豈比金紫包愚癡貴賤同為一丘土聖賢獨一作如星
日垂道德內樂不假物猶一作須朋友并良時蟬聲漸已

變秋意得酒安問醇與醪玉堂官閑無事業親舊幸可從

其私與翁老矣會有幾當弃百事勤追隨

吳學士石屏歌

一作和張生鷓鴣樹屏一無和字

晨光入林衆鳥驚
膈膈羣飛鴉亂鳴
穿林四散投空去
黃口巢中飢待哺
雌者下啄雄高盤
雄雌相呼飛復還
空林無人鳥聲樂
古木參天枝屈蟠
下有怪石橫樹其
一作間煙埋草沒苔蘚
斑借問此景誰圖
寫乃是吳家石屏
者號江剗山取山
骨朝鑿暮琢非一
日萬象皆從石中
出吾嗟人愚不見
天地造化一作造物之初難乃云萬物生自然
豈知鑄鑿刻畫醜
與妍千狀萬態不
可殫神愁鬼泣晝
一作夜不得閑不然
安得巧工妙手憊
精竭思不可到若
無若有縹渺生雲
煙鬼神功成天地
惜藏在號山深處
石惟人有心

無不獲一作乃知人天地雖神一作公藏不得又疑鬼神
好勝憎吾儕欲極奇怪窮吾才一作故傳張生自西來吳
家學士見且啗醉點紫毫淋墨煤君才自與鬼神關嗟我
老矣安能賦

初食車螯

一本題上云京師

纍纍盤中蛤來自海之涯坐客初未識食之先歎嗟五代
昔乖隔九州如剖瓜東南限淮海邈不通夷華於時北州
人飲食陋莫加鷄豚為異味貴賤無等差自從聖人出天
下為一家南產錯交廣西珍富邛巴水載每連軸陸輪動
盈車谿濟細毛髮海怪雄鬚牙豈惟貴公侯閭巷飽魚鰕
此蛤今始生其來何晚邪螯蛾聞二名車螯一名車蛾久見南人
誇璀璨殼如玉斑爛點生花含漿不肖吐得火遽已呀其

食唯恐後爭先屢成譁但喜美無厭豈思來甚遐多慚海
上翁辛苦斷泥沙

盤車圖

一本上題和聖俞下注呈楊直講

淺山嶙嶙亂石轟轟山石礮聲車碌碌山勢盤斜隨澗谷
側轍傾轅如欲覆出乎兩崖之隘口忽見百里之平陸坡
長坂峻牛力疲天寒日暮人心速楊裘一作生忍飢官太學
得錢買此纔盈幅愛其樹老石硬山回路轉高下曲直橫
斜隱見妍媸嚮背各有態遠近分毫皆可辨自言昔一作古
有數家筆畫古一作久傳多名姓失後來見者知謂誰乞詩
梅老聊稱述古畫畫意不畫形梅詩咏物無隱情忘形得
意知者寡不若見詩如見畫乃知楊生真好奇此畫此詩
兼有之樂能自足乃為富豈必金玉名高貴朝看畫暮讀

詩楊生得此可不飢

答梅

一作和無梅字

聖俞莫登樓

在禮部貢院鎖試進士元夜作

莫登樓樂哉都人方競遊樓闕夜氣春煙浮玉輪東來從
海陬纖靄洗盡當空留燈光月色爛不收火龍嘶山祝千
秋緣竿踏索雜幻優鼓喧管咽耳欲咻清風嫋嫋夜悠悠
瑩蹄文一作輪蹄交角車如流姪姹扶欄車兩頭髭髮垂鬟嬌
未羞念昔少年追朋儔輕衫駿馬今則不中年病多昏兩
眸夜視曾不如鴝鵒足雖欲往意已休惟思睡眠擁衾裯
人心利害兩不謀春陽稍愆天子憂安得四野陰雲油甘
澤以時豐麥麩遊騎踏泥非我愁

答聖俞莫飲酒

此已下皆貢院中作

子謂莫飲酒我謂莫作詩花開木落蟲鳥悲四時百物亂
我思朝吟搖頭暮蹙眉雕肝琢腎聞退之此翁此語還自
違豈如飲酒無所知自古不飲無不死惟有為善不可遲
一作遺功施當世聖賢事不然文章千載垂其餘醕酏一罇
酒萬事崢嶸皆可齊腐腸糟肉兩家說計較屑屑何其卑
死生壽夭無足道百年長短纔幾時但飲酒莫作詩子其
聽我言非癡

思白兔雜言戲答公儀憶鶴之作

君家白鶴白雪毛我家白兔白玉毫誰將贈兩翁謂此二
物皎潔勝瓊瑤已憐野性易馴擾復愛仙格何孤高玉兔
四蹄不解舞不如雙鶴能清嘒低垂兩翅趁節拍一作拍節婆
娑弄影誇嬌嬈兩翁念此二物者久不見之心甚勞京師
少年殊好尚意氣橫出爭雄豪清罇美酒不輒飲千金爭

買紅顏韶莫令少年聞我語笑我垂髫遭譏嘲或被偷開
兩家籠縱此二物令逍遙兔奔滄海却入明月窟鶴飛玉
山千仞直上青松巢索然兩衰翁何以慰無繆纖腰綠鬢
既非老者事玉山滄海一去何由招

戲答聖俞

鶴行而啄青玉觜枯松脚兔蹲而纍尖兩耳攢四蹄往往
於人家高堂淨屋曾見之錦裝玉軸挂壁垂乍見拭目猶
驚疑羽毛襍褻眼睛活若動不動如風吹主人矜誇百金
買云此絕筆人間奇畫師畫生不畫死所得百分三二爾
豈如翫物翫其真凡物可愛惟精神况此二物物之珍月
光臨靜夜雪色凌清晨二物於此時瑩無一點纖埃塵不
惟可醒醉翁醉能使詩老詩思添清新醉翁謂詩老子勿

謂我愚老弄兔兒憐鶴雛與子俱老其衰乎奈何反舍我
欲向東家看舞姝須防舞姝見客笑白髮蒼顏君自照

和梅龍圖公儀謝鵬

有詩鶴勿喜無詩鵬勿悲人禽固異性所趨各有宜朝戲
青竹林暮棲高樹枝啾啾山鹿鳴格磔野鳥啼聲音不相
通各以類自隨使鶴居籠中垂頭似一作聽詩鷄鵬享鍾
鼓魚鳥見西施鵬鶴不宜爭所爭良可知蚍蜉與蟻子爲
物固已微當彼兩交鬪勇如聞鼓擊有心皆好勝未免爭
是非於我一何薄於彼一何私欄檻啄花卉叫號驚睡兒
跳踉兩脚長落泊雙翅垂何足充玩好於何定妍媸鵬口
不能言夜夢以告之主人起謝鵬從我今幾時僮奴謹守
護出入煩提攜逍遙遂棲息飲啄安雄雌花底弄日影風

前理毛衣豈非主人恩報効爾宜忌主人今白髮把酒無
翠眉養鶴鵬又如我言堪解頤

贈沈博士歌

遵

一作醉翁歌

沈夫子胡爲醉翁吟醉翁豈能知爾琴滁山高絕滁水深
空巖悲風夜吹林山一作泉溜白玉懸青岑一瀉萬仞源莫
尋醉翁每來喜登臨醉倒石上遺其簪雲荒石老歲月侵
子有三尺徽一作暉黃金寫我幽思窮崎嶇自言愛此萬仞
水謂此太古之遺音泉淙石亂到不平指下鳴咽悲人心
時時弄餘聲言語軟滑如春禽嗟乎沈夫子爾琴誠工彈
且止我昔被謫居滁山名雖爲翁實少年坐中醉客誰最
賢杜彬琵琶皮作絃自從彬死世莫傳王練鎖東坡詩云
王連鎖練聲入黃泉死生聚散日零落耳冷心衰翁索莫

國恩未報慙祿厚世事多虞嗟力薄顏推髻改真一翁心
以一作已憂醉安知樂沈夫子謂我翁言何苦悲人生百年
間飲酒能幾時攬衣推琴起視夜仰見河漢西南移

於劉功曹家見楊直講

衰

女奴彈琵琶戲作呈聖俞

大絃聲遲小絃促十歲嬌兒彈啄木啄木不啄新生枝惟
啄槎牙一作牙枯樹腹花繁蔽日鎖空園樹老參天杳深谷
不見啄木鳥但聞啄木聲春風和暖百鳥語山路磽确行
人行啄木飛從何處來花間葉底時丁丁林空山靜啄愈
響行人舉頭飛鳥驚嬌兒身小指撥硬功曹廳冷絃索鳴
繁聲急節傾四坐爲爾飲盡黃金觥楊君好雅心不俗太
學官卑飯脫粟嬌兒兩幅青布裙三脚木牀坐調曲奇書
古畫不論價盛以錦囊裝玉軸披圖掩卷有時倦卧聽琵琶

琶仰看屋客來呼兒旋梳洗滿額花鈿貼黃菊雖然可愛
眉目秀無奈長飢頭頸縮宛陵詩翁勿謂渠人生自足乃
爲娛此兒此曲翁家無

謝觀文王尚書惠西京牡丹舉正

京師輕薄兒意氣多豪俠爭誇朱顏事年少官慰白髮將
花插尚書好事與俗殊憐我霜毛苦蕭颯贈以一作洛陽
花滿盤鬪麗爭奇紅紫雜兩京相去五百里幾日馳來足
何捷紫檀金粉香未吐綠萼紅苞露猶浥謂我嘗爲洛陽
客頗向此花曾涉獵憶昔進士初登科始事相公沿吏牒
河南官屬盡賢俊洛城池一作苑藥相連接我時年纔二十
餘每到花開如蛺蝶姚黃魏紫腰帶鞞潑墨齊頭藏綠葉
鶴翎添色又其次此外雖妍猶婢妾爾來不覺三十年歲
月纔如熟羊胛無情草木不改色多難人生自摧拉見花
了了雖舊識感物依依幾技睫念昔逢花必沽酒起坐驩
呼屢傾榼而今得酒復何爲愛花繞之空百匝心衰力懶
難勉強與昔一何殊勇怯感公意厚不知報墨筆淋漓口
徒囁

送朱職方提舉運鹽一本表臣

齊人謹一作建鹽筴伯者之事爾計口收其餘登耗以生齒
民充國亦富粲若有條理惟一作雖非三王法儒者猶爲耻
後世益不然權奪內漢始權量自持操屑屑已甚矣穴竈
如蜂房熬波銷海水豈知戴白民食淡有至死物艱利愈
厚令出奸隨起良民陷盜賊峻法難禁止問官得幾何月
課煩筭筮公私兩皆然巧拙可知已英英職方郎文行粹

而美連年宿與酒有政皆可紀忽來從辟書感激赴知己
閔然哀遠人吐策獻天子治國如治身四民猶四體奈何
室其一無異鉄厥趾工作而商行一作與本末相表裏臣
請通其流爲國掃泥滓金錢歸府藏滋味飽閭里利害難
先言歲月可較比鹽官皆謂然丞相曰可喜適時乃爲才
高論徒譎詭夷吾苟子一作復出未以彼易此隋隄樹穆穆
汴水流瀾瀾子行其勉旃吾黨方傾耳

嘗新茶呈聖俞

建安三千里京師三月嘗新茶人情好先務取勝百物貴
早相矜誇年窮臘盡春欲動蟄雷未起驅龍一作龍未
夜聞擊鼓滿山谷千人助叫聲喊呀萬木寒癡睡不醒惟
有此樹先萌芽乃知此爲最靈物宜一作疑其獨得天地之

英華終朝採摘不盈掬通犀銜小圓復窠鄙哉穀雨槍與
旗多不足貴如刈麻建安太守急寄我香蕪包裹封題斜
泉甘器潔天色好坐中揀擇客亦佳一作嘉新香嫩色如始
造不似來遠從天涯停匙側盞試水路拭目向空看乳花
可憐俗夫把金錠一作挺一作錠茶錄多用挺字爲古按
集韻錠字去聲訓錠錠字上聲訓銅鐵 猛火炙背如蝦蟇由來真物有真賞坐逢詩老頻咨嗟
須臾共起索酒飲何異奏雅終淫哇

次韻再作 一本云茶歌

吾年向老世味薄所好未衰惟飲茶建谿苦遠雖不到自
少嘗見閩人誇每啜江浙凡茗草叢生狼藉惟藏今江
園俗言 豈如含膏入香作金餅蜿蜒兩龍戲以呀其餘品
第亦奇絕愈小愈精皆露芽泛之白花如粉乳乍見紫面

生光華手持心愛不欲碾有類弄印幾成窠論功可以療
百疾輕身久服勝一作如胡麻我謂斯言頗過矣其實最能
祛睡邪茶官貢餘偶分寄地遠物新來意嘉親烹屢酌不
知厭自謂此樂真一作誠無涯未言久食成手顫已覺疾飢
一作病生眼花客遭水厄疲捧椀口腹無異蝕月暮僮奴傍
視疑復笑嗜好乖僻誠堪嗟更蒙酬句怪可駭兒曹助噪
聲哇哇

鳴鳩

崇政殿後考試所作

天將陰鳴鳩逐婦鳴中林鳩婦怒啼無好音天雨止鳩呼
婦歸鳴且喜婦不亟歸一作急還呼不已逐之其去恨不早呼
不宵來固其理吾老病骨知陰晴每愁天陰聞此聲日長
思睡不可得遭爾聒聒何時停衆鳥笑鳴鳩爾拙固無匹
不能娶巧婦以共營家室寄巢一作生十四散飛一身有婦長
相失夫婦之恩重太山背恩棄義須臾間心非無情不得
已物有至拙誠可憐君不見人心百態巧且艱臨危利害
兩相關朝爲親戚暮仇敵自古常嗟交道難

有贈余以端溪綠石枕與蘄州竹簟皆佳物也余既
喜睡而得此二者不勝其樂奉呈原父舍人聖俞
直講

端谿作出缺月樣蘄州織成雙水錦一作紋呼兒置枕展方
簟赤日正午天無雲黃琉璃光綠玉潤瑩淨冷滑無埃一作
纖塵憶昨開封暫陳力屢乞殘骸避煩劇聖君哀憐大臣
閔察見衰病非虛飾猶蒙不使如一作加罪去特許遷官還
舊職選材臨事不堪用見利無慙惟苟得一從儻舍一作屋

居城南官不坐曹門一作開少客自然唯與睡相宜以懶遭

一作閑何愜適從來羸茶苦疲困况此煩歎正炎赫少壯

喘息人莫聽中年鼻鼾尤惡聲癡兒揜耳謂雷作竈婦驚

窺疑金鳴蒼蠅蟻蝶任緣撲蠹一作詩書懶架拋縱橫神昏

氣濁一如此言語思慮何由清嘗聞李白好飲酒欲與鏑

杓同生死一作死生我今好睡又過之身與二物為三爾江西

得請在旦暮收拾歸裝從此始終當卷簾攜枕去築室買

田清潁尾

奉答原甫見過籠示之作

不作流水聲行將二十年吾生少賤足憂患憶昔有罪初

南遷飛帆洞庭入白浪墮淚三峽聽流泉援琴寫得入此

曲聊以自慰窮山間中間永陽亦如此醉卧幽谷聽潺湲

自從還朝戀榮一作寵祿不覺鬢髮俱凋殘耳衰聽重手漸

顫自惜指法將誰傳偶欣日色曝書畫試拂塵埃張斷絃

嬌兒癡女遶翁膝爭欲彊翁聊一彈紫微閣老適我過愛

我指下聲泠然戲一作語君此是伯牙曲自古常歎知音難

君雖不能琴能得琴一作其意斯為賢自非樂道甘寂寞誰

肯顧我相留連興闌束帶索馬去却鎖塵匣包青氈

會飲聖俞家有作兼呈原父景仁聖從

憶昨九日訪君時正見階前兩叢菊愛之欲繞行百匝庭

下不能容我足折花却坐時嗅之已醉還家手猶馥今朝

我復到君家兩菊階前猶對束枯莖槁葉苦風霜無復滿

叢金間綠京師誰家不種花碧砌朱欄敞華屋奈何來對

兩枯株共坐窮簷何局促詩翁文字發天葩豈比青紅凡

草木凡草開花數日間天葩無根長在目遂令我每飲君
家不覺長餅卧牆曲坐中年少皆賢豪莫怪我今雙鬢禿
須知朱顏不可恃有酒當歡一作飲且相屬

依韻奉酬聖俞二十五兄見贈之作

與君交結遊我最先衆人我少既多難君家常苦貧今爲
兩衰翁髮白面亦皴念君懷中玉不及市上珉珉賤易爲
價玉棄久埋塵惟能吐文章白虹射星辰幸同居京城遠
不隔重闈朝罷二三公隨我如魚鱗君聞我來喜置酒留
逡巡不待主人請自脫頭上巾歡情雖漸鮮老意益相親
窮達何足道古來茲理均

奉答聖俞達頭魚之作

吾聞海之大物類無窮極蟲蝦淺水間鴈蜺如山積毛魚

與鹿角一作俞拾

拾

數千百收藏各有時嗜好無南北其微

一作小

既若斯其大有一一作其大固

一作其大固

莫測波濤浩渺中島嶼

生頃刻俄而沒不見始悟一作始

一作始

出背脊有時隨潮來暴死

疑遭謫海人相呼集刀鋸爭剖一作砍

析骨節駭專車鬚芒

一作牙

侔劔戟腥聞數十里餘臭久乃息始知百川歸固有

含容德潛奇與秘寶萬狀一作物

不一識嗟彼達頭微誰傳

到一作偶傳到

一作偶傳入

京國乾枯少滋味治洗費炮炙聊茲知異

物豈足薦佳客一旦辱一作得

一作得

君詩虛名從此得京師人不識此魚

州向防禦見寄以分聖俞辱以詩答

盆池

西江之水何悠哉經歷瀆口險且回餘波拗怒猶一作獨
澹奔濤擊浪常喧豗有時夜上滕王閣月照淨練無纖埃

楊關左里在其北無風浪起傳古來老蛟深處厭窟穴蛇
身微行見者猜呼龍瀝酒未及祝五色粲一作爛高崔嵬
忽然遠引千丈去百里水面中分開收蹤滅跡莫知處但
有雨雹隨風雷千奇萬變聊一戲一作肯顧溺死為可哀
輕人之命若螻蟻不止山嶽將傾頽此外魚鰕何足道厭
飫但覺腥盤杯壯哉豈不快耳目胡為守此空牆隈陶盆
斗水仍下漏四岸久雨生莓苔遊魚撥撥不盈寸泥濘日
炙愁暴鱖魚誠不幸此踞促我能決去反徘徊

哭聖俞

昔逢詩老伊水頭青衫白馬渡伊流灘聲八節響石樓坐
中辭氣凌清一作高秋一飲百盞不言休酒酣息逸語更道
河南丞相稱賢侯後車日載枚與鄒我年最少力方優明

珠白壁相報投詩成希深擁鼻謳師魯卷舌藏戈矛三十
年間如轉眸屈指十九歸山丘凋零所餘身百憂晚登玉
墀侍珠旒詩老薶鹽太學愁乖離會合謂無由此會天幸
非人謀領鬚已白齒根浮子年加我貌則不歡猶可彊閑
屢偷不覺歲月成淹留文章落筆動九州釜甌過午無饋
餽良時易失不早收篋積一作禮瓦礫遺琳璆薦賢轉石古
所尤此事有職非吾羞命也難知理莫求名聲赫赫掩諸
幽翩然素旄歸一舟送子有淚流如溝

鬼車

嘉祐六年秋九月二十有八日天愁無光月不出浮雲蔽
天衆星沒舉手嚮空如抹漆天昏地黑有一物不見其形
但聞其聲其初切切淒淒或高或低乍似玉女調玉笙衆

管參差而不齊既而嘒嘒呦呦若軋若抽又如百兩江州
車回輪轉軸聲啞啞鳴機夜織錦江上羣雁驚起蘆花洲
吾謂此何聲初莫窮端由老婢撲燈呼兒曹云此怪鳥無
匹儔其名爲鬼車夜載百鬼凌空遊其聲雖小身甚大翅
如車輪排十頭凡鳥有一口其鳴已啾啾此鳥十頭有十
口口插一舌連一一作喉一口出一聲千聲百響更相酬
昔時周公居東周厭聞此鳥憎若讐夜呼庭氏率其屬彎
弧俾逐出九州射之三發不能中天遣天狗從空投自從
狗嚙一頭落斷頸至今清血流爾來相距三千秋晝藏夜
出如鴝鵒每逢陰黑天外過乍見火光驚輒墮有時餘血
下點汚所遭之家家必破我聞此語驚且疑反祝疾飛無
我禍我息天地何茫茫百物巨細理莫詳吉凶在人不在

物一蛇兩足反爲祥却呼老婢炷燈火捲簾開戶清華堂
須臾雲散衆星出夜靜皎月流清光

感二子

黃河一千年一清岐山鳴鳳不再鳴自從蘇梅二子死天
地寂默收雷聲百蟲坏戶不啓蟄萬木逢春不發萌豈無
百鳥解言語喧啾終日無人聽二子精思極搜抉天地鬼
神無遁情及其放筆騁豪俊筆下萬物生光榮古人謂此
覩天巧命短疑爲天公憎昔時李杜爭橫行麒麟鳳皇世
所驚二物非能致太平須時太平然後生開元天寶物盛
極自此中原疲戰爭英雄白骨化黃土富貴何止浮雲輕
唯有文章爛日星氣凌山岳常崢嶸賢愚自古皆其盡突
兀空留後世名

讀書

吾生本寒儒老尚把書卷眼力雖已疲心意殊未倦正經
首唐虞偽說起秦漢篇章異句讀解詁及箋傳是非自相
攻去取在勇斷初如兩軍一作交乘勝方多一作酣戰當其
旗鼓催不覺人馬汗至哉天下樂終日在一作案念昔
始從師力學希仕宦豈敢取聲名惟期脫貧賤忘食日已
晡燃薪夜侵旦謂言得志一作後便可焚筆硯少償辛苦
時惟事寢與飯歲月不我留一生今過半中間嘗忝竊內
外職文翰官榮日清近廩給亦豐羨人情慎所習醜毒比
安宴漸追時俗流稍稍學營辦盃盤窮水陸賓客羅俊彥
自從中年來人事攻百箭非惟職有憂亦自老可歎形骸
苦衰病心志亦退儒前時可喜事閉眼不欲見惟尋舊讀

書簡編一作多朽斷古人重溫故官事幸有聞乃知讀書

勤其樂固無限少而干祿利老用忘憂患又知物貴久至
寶見百鍊紛華暫時好俯仰浮雲散淡泊味愈長始終殊
不變何時乞殘骸萬一免罪譴買書載舟歸築室一作頽
水岸平生頗論述詮次加點竄庶幾垂後世不默死芻豢
信哉蠹書魚韓子語非訕

鴨鳩詞 勅王建作

龍樓鳳閣一作鬱崢嶸深宮不聞更漏聲紅紗蠟燭愁夜
短綠窓鴨鳩催天明一聲兩聲人漸起金井轆轤聞汲水
三聲四聲促嚴粧紅靴玉帶奉君王萬年枝軟風露濕上
下枝間聲轉急南衙促仗三衛列九門放鑰千官入重城
禁籞鎖池臺此鳥飛從何處來君不見潁河東岸村一作

陂澗山禽野鳥常

一作時

嘲嚙田家惟聽夏雞聲

鴨鵝京西村人謂之

夏夜夜壠頭耕曉月可憐此樂獨吾知眷戀君恩今白髮

射生戶

予初至州獮戶有獻狼豹者

射生戶前日獻一豹今日獻一狼豹因傷我牛狼因食我羊狼豹誠為害人物縣官賞之縑五疋射生戶持縑歸為人除害固可賞貪功趨利爾勿為弦弓毒矢無妄發恐爾不識麒麟兒

陪府中諸官遊城南

一本注西京作

一雨郊圻迴新秋榆棗繁田荒溪溜入禾熟雀聲喧燒出空槎腹人耕廢廟垣閑追向城客落日隱高原

河南王尉西齋

寒齋日蕭索天外敞簷楹竹雪晴猶覆山窓夜自明禽歸

窺野客雲去入重城欲就陶潛飲應須載酒行

離彭婆值雨投臨汝驛回寄張九屯田司錄

投館野花邊羸驂晚不前山橋斷行路溪雨漲春田樹冷無棲鳥村深起暮煙洛陽山已盡休更望伊川

送祝熙載之東陽主簿

吳江通海浦畫舸候潮歸疊鼓山間響高帆鳥外飛孤城秋枕水千室夜鳴機試問還家客遼東今是非

松門

島嶼松門數里長懸崖對起碧峰雙可憐勝境

一作當窮

塞翻使留一作流人戀此邦亂石驚灘喧醉枕淺沙明月入

船窓因遊始覺南來遠行盡荆江見蜀江

勞停驛

孤舟轉山曲豁爾見平川樹杪帆初落峰頭月正圓荒煙
幾家聚瘦野一刀田行客愁明發驚灘鳥道前

黃溪夜泊

楚人自古登臨恨暫到愁腸已九回萬樹蒼煙三峽暗滿
川明月一猿哀非鄉况復驚殘歲慰客偏宜把酒盃行見
江山一作山河且吟詠不因遷謫豈能來

初至夷陵答蘇子美見寄

三峽倚岩巖一作南遷地最遙物華雖可愛鄉思獨無聊
江水流清嶂猿聲在碧霄野篁抽夏笋叢橘長春條未臘
梅先發經霜葉不凋江雲愁一作懸蔽日山霧晦連朝斫谷

爭收漆梯林闌摘椒巴寶船賈集一作巴江蠻市酒旗招
時節同荆俗民風載楚謠一作歌成調笑一作鬼擦一作鬼聚喧一作鬼置

夷陵之俗多淫奔又好詞茶每遇祠時里民數百其餒其餘里語謂之搯搯鬼因此多成關訟得罪宜投

齋包羞分折腰光陰催晏歲牢落慘驚颯白髮新年出朱
顏異域銷縣樓朝見虎官舍夜聞鴉寄信無秋雁思歸望
斗杓須知千里夢長繞洛川橋

縣舍不種花惟栽楠木冬青茶竹之類因戲書七言

四韻

結綬當年仕兩京自憐年少體猶輕伊川洛浦尋芳徧魏
紫姚黃照眼明客患病來生白髮山城春至少紅英芳叢
密葉聊須種猶得蕭蕭聽雨聲

戲答元珍

一本下云花時久雨之什

春風疑不到天涯二月山城未見花殘雪壓枝猶有橘凍
雷驚笋欲抽芽夜聞歸雁生鄉思病入新年一作鳥聲漸變一作知芳節人

意無聊感物華曾是洛陽花下客野芳雖晚不須嗟

夷陵歲暮書事呈元珍表臣一本作元珍判官表臣

蕭條雞犬亂山中時節崢嶸忽一作已窮遊女髻髮風俗

古野巫歌舞歲年豐夷陵俗朴陋推歲暮祭鬼則男女數

嬉平時都邑今為陋敵國江山昔最雄三國時吳蜀

先賢多勝迹不辭攜酒問鄰翁處士何參居縣西好學多

夷陵書事寄謝三舍人一作代書寄舍人三丈

春秋楚國西偏境陸羽茶經第一州紫籜青林長蔽日綠

叢紅橘最宜秋道塗處險人多負邑屋臨江俗善泗臘市

漁一作鹽朝暫合淫祠簫鼓歲無休風鳴燒入空城響雨

惡江崩斷岸流月出行歌聞調笑花開啼鳥亂鈞軒一本

庭畫地通人語邑政觀風問俚諷土俗黃牛峽口經新歲

白玉京中夢舊遊曾是洛陽花下客欲誇風物向君羞

寄梅聖俞一本注夷陵作

青一作春山四顧亂無涯雞犬蕭條數百家楚俗歲時多雜

鬼蠻鄉言語不通華繞城江急舟難泊當縣山高日易斜

擊鼓踏歌成夜市邀龜卜雨趁燒一作春畚叢林白晝飛妖

鳥庭砌非時見異花惟有山川為勝絕寄人堪作畫圖誇

離峽州後回寄元珍表臣一本作元珍判官表臣推

經年遷謫厭荆蠻惟有江山興未闌醉裏人歸青草渡夢

中船下武牙灘野花零落一作亂風前亂一作舞飛雨蕭條江

上寒荻筍時魚方有味恨無佳客共盃盤

再至西都一作寄謝希深

伊川不到十年間魚鳥今應怪我一作我自還浪得浮名銷壯

節羞將一作白髮見對一作青山野
花向客開如一作異花
笑芳草留人意自開却到一作謝公題壁處
向風清淚獨一作清淚落一作潏潏

豐樂亭遊春三首

綠樹交加山一作新鳥啼晴風蕩漾落一作曉晴花飛鳥

歌花舞太守醉明日一作酒醒春已歸

春雲淡淡日輝輝草惹行襟絮拂衣行到亭西逢太守籃

輿酪耐插花歸

紅樹青山日欲斜長郊草色綠無涯遊人不管春將老一作

盡來往一作亭前踏落花

畫眉鳥一作郡齋聞百舌

百轉千聲隨意移山花紅紫樹高低始知鎖向金籠聽不

及林間自在啼

懷嵩樓新開南軒與郡僚小飲

繞郭雲煙一作閣匝幾重昔人曾此感懷嵩霜林落後山

爭出野菊開時酒正濃解帶西風飄畫角倚欄斜日照青

松會須乘醉攜嘉客踏雪來看羣玉峰

送張生

一別相逢十七春顏顏衰髮互相詢江湖我再為遷客道

路君猶困旅人老驥骨奇心尚壯青松歲久色逾新山城

寂寞難為禮一作濁酒無辭舉爵頻

田家

綠桑高下映平川賽罷田神笑語喧林外鳴鳩春雨歇屋

頭初日杏花繁

別滁

花光濃爛柳輕明酌酒花前送我行我亦且一作如常日
醉莫教絃管作離聲

招許主客

欲將何物招嘉客惟有新秋一味涼更一作掃廣庭寬
百畝少容明月放一作吐清光樓頭破鑑看將滿甕而浮
蛆撥已香仍約多為詩準備其防梅老敵難當

答通判呂太博

千頃芙蓉蓋水平邵伯荷花四望極目揚州太守舊多情畫盆園處
花光合予嘗採蓮千朵插以書盆園繞坐席紅袖傳來酒令行又嘗命坐客
葉葉盡處飲以爲酒令舞踏落暉留醉客歌遲檀板換新聲如今寂
寞西湖上雨後無人看落英

送謝中舍

滁南一作陽幽谷抱山斜我鑿清泉子種花故事已傳遺一作
留傳父老說世人今一作分作畫圖誇金閨引籍子方壯白髮

盈簪我可嗟試問弦歌為縣政一作意何如樽俎樂無涯

依韻答杜相公寵示之作

多病誠有可嗟謹依元韻軋紅鄙素一本於經春多病下又有略無少暇四字

醉翁豐樂一閒身憔悴今來汴水濱每聽鳥聲知改節因
吹柳絮惜殘春益經春罕見花也平生未省降詩敵近數和難韻其覺牽強

到處何嘗訴酒巡壯志銷磨都已盡看花翻作飲茶人

去思堂手植雙柳今已成陰因而有感

曲欄高柳拂層簷却憶初栽映碧潭人昔其遊今孰在樹
猶如此我何堪壯心無復身從老世事都銷酒半酣後日

更來知有幾攀條莫惜駐征驂

內直對月寄子華舍人持國廷評 一作呈原父

禁署一作沉沉玉漏傳月華雲表溢金盤纖埃不隔光初
滿萬物無聲夜向闌蓮燭燒殘愁夢斷蕙爐薰歇覺衣單
水精宮鎖黃金闕故比人間分外寒

答子華舍人退朝小飲官舍一作和子華朝退寒甚陪諸公飲

緣老 玉階朝罷卷晨班官舍相留一笑間與世漸疎嗟已老一作
態得朋為樂偶偷閒紅牋擲管吟紅藥綠酒盈樽舞綠
鬟自是風情年少事多慙白髮與蒼顏

內直晨出使赴奉慈齋宮一作宿馬上口占一本云呈子華子履

凌晨更直九門開驅馬悠悠望禁街霜後樓臺明曉日天
寒煙霧著宮槐山林未去猶貪龍樽酒何時共放懷已覺

蕭條悲晚歲更憐衰病怯清齋

憶滁州幽谷

滁南一作豐山幽谷抱千峰高下山花遠近紅當日辛勤皆手
植而今開落任春風主人不覺悲華髮野老猶能說醉翁
誰與援琴親寫取夜泉聲在翠微中

奉使契丹初至雄州一作過塞

古關衰柳聚寒鴉駐馬城頭日欲斜一作駐馬關頭見落霞猶去西
樓二千里行人到此莫思家

奉使契丹回出上京馬上作

紫貂裘暖朔風驚潢水冰光射日明笑語同來向公子馬
頭今日向西行

李留後家聞箏坐上作予少時嘗聞一鉞客老樂工箏聲與時人所彈絕異云是

前朝教坊舊聲其後不復聞至此始復一聞也

不聽哀箏二十年忽逢纖指弄鳴絃綿蠻巧轉花間舌鳴咽交流水下泉常謂此聲今已絕問渠從小自誰傳樽前笑我聞彈罷白髮蕭然涕泫然

和梅聖俞元夕登東樓

憑高寓目偶乘閒袷服遊人見往還明月正臨雙闕上行歌遙聽九衢間黃金絡一作束馬追朱憶紅燭籠紗照玉顏與世漸一作已疎嗟老矣佳辰樂事豈相關

戲答聖俞持燭之句

辱君贈我言雖厚聽我酬君意不同病眼自憎紅蠟燭何人佇伴白鬚翁花時浪過如春夢酒敵先甘伏下風惟有吟哦殊不倦始知文字樂無窮

戲書

支離多病嘆衰顏賴得羣居一笑歡人老患家甚年少身閒泥酒過春寒來時御柳一作水天街凍歸去梨花禁籞殘縱使開門佳節晚未妨雙鶴舞霜翰一作朝鎖漢臺空悵望欲將春恨託飛翰

和較藝書事

一作奉答禹玉再示之作

相隨懷詔下天闈一鎖南宮隔幾旬玉塵清談消永日金樽美酒惜餘春杯盤飭粥春風冷池館榆錢夜雨新猶是人間好時節歸休過我莫辭頻

和聖俞春雨

簷瓦蕭蕭雨勢疎寂寥官舍與君俱身遭鎖閉如鸚鵡病識陰晴似鶉鴒年少自愁花爛熳春寒偏著老肌膚莫嫌來往傳詩句不爾須當泥酒壺

出省有日書事

凌晨小雨壓塵輕閒憶登高望禁城樹色連雲春泱泱風
光著草日晴明看榆吐莢驚將落見鵲移巢忽已成誰向
兒童報歸日為翁寒食少一作且留錫

和一本有禹玉字較藝將畢

槐柳來時綠未勻開門節物一番新踏青寒食追遊騎賜
火清明忝侍臣拂面蜘蛛占喜事入簾蝴蝶報家人在李賀詩
莫瞋年少息歸切白髮衰翁尚惜春

聖俞在南省監印進士試卷有兀然獨坐之歎因思
去歲同在禮闈慨然有感兼簡子華景仁

南宮官舍苦蕭條常憶羣居接僑寮古屋醉吟燈豔豔畫
廊愁聽雨蕭蕭殘春共約無虛擲一歲那知忽復銷顧我

心情又非昨祇息相伴老漁樵

病告中懷子華原父

狂來有意與春爭老去心情漸不能世味惟存詩淡泊生
涯半為病侵陵花明曉日繁如錦酒撥浮醅綠似澗自是
少年豪橫過而今癡鈍若寒蠅

唐崇徽公主手痕和韓內翰

故鄉飛鳥尚啁啾何況悲笳出塞愁青塚埋魂知不返翠
崖遺迹為誰留玉顏自古為身累肉食何人與國謀行路
至今空歎息巖花澗草自春秋

奉酬長文舍人出城見示之句

春分臘雪未全銷凜冽春寒氣尚驕攝事初欣迎社鷺尋
芳因得過溪橋清浮酒蟻醅初撥暖入鸞篁舌漸調興味

愛君年尚少莫嫌齋禁一作齋館暫無膠

送王平甫下第安國

歸袂搖搖心浩然曉船鳴鼓轉風灘朝廷失士有司耻貧
賤不憂君子難執手聊須為醉酒一作別還家何以慰親懽
自慚知子不一作未能薦白首胡為侍從官

答西京王尚書寄牡丹

新花來遠喜開封呼酒看花興未窮年少曾為洛陽客眼
明重見魏家紅却息初赴青油幕自笑今為白髮翁西望
無由陪勝賞但吟佳句想芳叢

下直

宮柳街槐綠未齊春陰不解宿雲低輕寒漠漠侵馳謁小
雨斑斑作鶯泥報國無功嗟已老歸田有約一作一何稽

終當自駕柴車去獨結茅廬潁水西

早朝感事

疎星牢落曉光微殘月蒼龍闕角西玉勒爭門隨仗入牙
牌當殿報班齊羽儀雖接鴛兼鷺野性終存鹿與麕笑殺
汝陰常處士墨蹟作雲
林高附客十年騎馬聽朝音鷄

寄渭州王仲儀龍圖一作送王素之渭州

羨君三作臨邊守慣聽笳不慘然弓勁秋風鳴西角帳
寒春雪壓青氍威行四境烽煙斷響入千山號令傳翠幕
紅燈照羅綺心情何似十年前

三日赴宴口占

賜飲初逢禊節佳昆池新漲碧無涯九門寒食多遊騎三
月春陰正養花共喜流觴修故事自憐霜鬢惜年華鳳城

殘照歸鞍晚禁籞無風柳自斜

蘇主簿挽歌

洵

布衣馳譽入京都丹旆俄驚聞一作反舊間諸老誰能先賈

誼君王猶未識相如三年弟子行喪禮千兩鄉人會葬車

我獨一作空齋挂塵榻遺編時閱子雲書

寄題沙溪寶錫

碑本
作積院

為愛江西物物佳作詩嘗向北人誇青林霜日換楓葉白

水秋風吹稻花釀酒烹雞留醉客鳴機織墨蹟苧徧山家

野僧獨得無生樂終日焚香坐結跏

奉答子履學士見贈之作

誰言潁水似瀟湘一笑相逢樂未央歲晚君尤耐霜雪興

關吾欲返耕桑銅槽旋壓清樽美玉塵閒揮白日長豫約

詩書一作筒屢來往兩州雞犬接封疆

送道州張職方

桂籍青衫憶共遊憐君華髮始為州身行南雁不到處山

與北人相對愁莫為高才輕遠俗當令遺老識賢侯三年

解組來歸日吾已先耕潁水頭

再至汝陰三絕

黃粟留鳴桑椹美紫櫻桃熟麥風涼朱輪昔愧無遺愛白

首重來似故鄉

千載榮華貪國寵一生憂患損天真潁人莫怪歸來晚新

向君前乞得身

水味甘於大明井魚肥恰似新開湖十四五年勞夢寐此

時纔得少踟躕余時將赴亳社恩許枉道過潁也

戲書示黎教授

古郡誰云毫陋邦我來仍值歲豐穰
鳥街棗實園林熟一作密蜂採檜花村落香
世治人方安壠畝興闢吾欲反耕桑
若無潁水肥魚蟹終老仙鄉作醉鄉

書懷

一作思潁寄常處士

齒牙零落鬢毛疎潁水多年已結廬
解組便為閒處士新花莫笑病尚書
青衫仕至千鍾祿白首歸乘一鹿車
况一作幸有西鄰隱君子輕蓑短一作披笠伴犁鉏常夷補也

聞沂州廬侍郎致仕有感

少年相與探花開老病惟愁節物催
蹉跎歸計荒三徑牢落生涯泥一杯
潁上先生招不起沂州太守亦歸來
自媿國恩終莫報尚貪榮祿此徘徊

春晴書事

莫笑青州太守頑三齊人物舊安閑
晴明風日家家柳高下樓臺處處山
嘉客但當傾美酒青春終不換顏顏
惟慙未報君恩了昨日盧公衣錦還

答資政郡諫議見寄

豪橫當年氣吐虹蕭條晚節鬢如蓬
欲知潁水新居士卽是滁山舊醉翁
所樂藩籬追尺一作斤鷄敢言寥廓逐冥鴻
期公歸輔巖廊上顧我無忘畎畝中

綠竹堂獨飲

夏簟解籜陰加穆卧齋公退無喧囂
清和况復值佳月翠樹好鳥鳴咬咬
芳罇有酒美可酌胡爲欲飲先長謠
人生暫別客秦楚尚欲泣淚相攀邀
况茲一訣乃永已獨使幽

夢恨蓬蒿憶子驅馬別家去去時柳陌東風高楚鄉留滯
一千里歸來落盡李與桃殘花不共一日看東風送哭聲
嗷嗷洛池不見青春色白楊但有風蕭蕭姚黃魏紫開次
第不覺成恨俱零凋榴花最晚今又折紅綠點綴如裙腰
年芳轉新物轉好逝者日與生期遙子生本是少年氣嗟
磨牙角爭雄豪馬遷班固洎歆向下筆點竄皆嘲嘈客來
共坐說今古紛紛落盡玉塵毛彎弓或擬射石虎又欲醉
斬荆江蛟自言剛氣貯心腹何爾柔軟爲脂膏吾聞莊生
善齊物平日吐論奇牙聲憂從中來不自遣強叩瓦缶何
澆澆伊人達者尚乃爾情之所鍾况吾曹愁填胷中若山
積雖欲強飲如沃焦乃判自古英壯氣不有此恨如何消
又聞浮屠說生死滅沒謂若夢幻泡前有萬古後萬世其

中一世獨叨螻安得獨酒一榻淚欲助河水增滔滔古來
此事無可奈不如飲此罇中醪

代書寄尹十一兄楊十六王三

並轡登北源分首昭陵道秋風吹行衣落日下霜草昔日
憩鞏縣信馬行苦早行行過任村遂歷黃河隩登高望河
流洶洶若怒鬪予生平居南但聞河浩渺停鞍暫遊目茫
洋肆驚眺並河行數曲山坡亦縈繞鬣子與山口呀險乃
天竈秤鈎真如鈎上下欲顛倒虎牢吏當關譏問名已告
滎陽夜聞雨故人留我笑明朝已高塵轎車引旌纛傳云
送主喪窀穸詣墳兆後乘皆輜駟輪轂相輝照辟易未及
避廬兒已呵噉午出鄭東門下馬僕射廟中牟去鄭遠記
里十餘堠抵牟日已暮僕馬困米橐漸望閭闔門岫若中

天表趨門爭道入，羈鞅不及棹浪墮。遊九衢風埃，嘆何浩。
京師天下聚奔走，紛擾擾但聞街鼓喧。忽忽夜復曉，追懷
洛中俊已動思歸。操爲別未期，月音塵一何杳。因書寫行
役聊以爲君導。

書懷感事寄梅聖俞

相別始一歲，幽憂有百端。乃知一世中，少樂多悲患。每憶
少年日，未知人事艱。顛狂無所闕，落魄去羈牽。三月入洛
陽，春深花未殘。龍門翠鬱鬱，伊水清潺潺。逢君伊水畔，一
見已開顏。不暇謁大尹，相攜步香山。自茲愜所適，便若投
山猿。幕府足文士，相公方好賢。希深好風骨，迥出風塵間。
師魯心磊落，高談義與軒。子漸口若訥，誦書坐千言。彥國
善飲酒，百盞顏未丹。幾道事閒遠，風流如謝安。子聰作叅

軍常跨破虎韉子，野乃禿翁戲弄時。脫冠次公才曠奇，王
霸馳筆端聖俞善吟哦。共嘲爲閩仙，惟予號達老。醉必加
張顛，洛陽古郡邑。萬戶美風煙，荒涼見宮闕。表裏壯河山，
相將日無事。上馬若鴻翩，出門盡垂柳。信步卽名園，嫩籜
筠粉暗淥池。萍錦翻殘花，落酒面飛絮。拂歸鞍，尋盡水與
竹。忽去嵩峰巔，青蒼綠萬仞。杳藹望三川，花草窺澗竇。崎
嶇尋石泉，君吟倚樹立。我醉欹雲眠，子聰疑日近。謂若手
可攀，其題一醉石。留在八仙壇，水雲心已倦。歸坐正盃盤，
飛瓊始十八。妖妙猶雙環，寒篁暖鳳背。銀甲調雁絃，自製
白雲曲。始送黃金船，珠簾捲明月。夜氣如春煙，燈花弄粉
色。酒紅生臉蓮，東堂榴花好。點綴裙腰鮮，插花雲髻上。展
簾綠陰前，樂事不可極。酣歌變爲歎，詔書走東下。丞相忽

南遷送之伊水頭相顧淚潸潸臘月相公去君隨赴春宮
送君白馬寺獨入東上門故府誰同在新年獨未還當時
作此語聞者已依然

和聖俞聚蚊

頽陽照窮巷暑退涼風生夫子卧環堵振衣步前楹愁煙
四鄰起鳥雀喧空庭餘景藹欲昏衆蚊復一作聚薨薨羣飛
豈能數但厭聲營營抱琴不暇撫揮塵無由停散帙復歸
卧詠言聊寫情覆載無巨細善惡皆生成朽木出衆蠹腐
艸爲飛螢書魚長陰溼醯雞由鬱蒸豕鬣固多蝨牛間常
聚蚩元氣或壹鬱播之爲孽腥甲臭乃其類清虛非所經
華堂敞高棟綺疏仍藻局金釭瑩椒壁玉壺含夜水終朝
事薰被豈敢近簷甍富貴非苟得抱節居茅衡陰墻百蟲

聚下偃衆穢盈何嘗曲肱樂但苦聚雷聲江南美山水水
木正秋明自古佳麗國能助詩人情喧囂不可久片席何
時征

送劉學士知衡州

楊子懶屬書平居惟嗜酒一沐或彌旬解醒須五斗淡爾
輕榮利何常問無有忍憶一作馬歸行爲一麾守湘耐
自古醇醪水聞名久簿領但盈几聖經不離口湖田賦稍
蠲民訟爭隴畝兀爾卽沈冥安能知可否聊爲寄情樂豈
與素懷偶藏器息適時投刃寧煩手行當考官績勿復困
罍缶

送張屯田歸洛歌

昔年洛浦見花落曾作悲歌歌落花愁來欲遣何可奈時

向金河尋杜家杜家花雖非絕品猶可開顏爲之飲少年
意氣易成懽醉不還家伴花寢一來京國兩傷春憔悴窮
愁九陌塵紅芳紫蒼處處有騎馬欲尋無故人黃河三月
入隋河河水多時悵望多爲憐此水來何處何處一中有
作處遠伊流與洛波忽聞君至自西京洗眼相看眼暫明心衰面
老畏人問驚我瘦骨清如水今年七月妹喪夫稚兒婦女
啼呱呱季秋九月予喪婦十月厭厭成病軀端居移病新
城下日不出門無過者獨行時欲強高歌一曲未終雙涕
洒可憐明月與春風歲歲年年事不同暫別已嗟非舊態
再來應是作衰翁感時惜別情無已無酒送君空有淚西
歸必有問君人爲道別來今有此

自岐一作江山行至平陸驛五言二十四韻

岐江望平陸百里千餘嶺蕭條斷煙火莽蒼無人境峰巒
互前後南北失壬丙天秋雲愈高木落歲方冷水涉愁蟻
射含沙也林行憂虎猛萬仞懸巖崖一豹履枯梗緣危類援
猱陷淖若鼃鼃腰輿懼傾撲煩馬倦鞭警攀躋誠畏塗習
俗羨蠻獷度隘足雖踈因高目還騁九野畫荆衡羣山亂
巫郢煙嵐五明滅點綴成一作圖屏時時度深谷往往得
佳景翠樹鬱如蓋飛泉溜垂綆幽花亂黃紫蒨粲弄光影
山鳥囀成歌寒蛸嘒如噀登臨雖云勞一作巨細得周省
晨裝趁徒旅夕宿訪閭井村暗水茫茫雞鳴星耿耿登高
近佳節歸息時引領谿菊薦山罇田鴛佑烹鼎家近夢先
歸夜寒衾屢整崎嶇念行役昔宿已爲永豈如江上舟棹
歌方酌酌初泛舟荆江棋酒甚歡故有此句

春日西湖寄謝法曹歌

西湖春色歸春水綠於染羣芳爛不收東風落如糝西湖者詩
昌勝地也參軍春思亂如雲白髮題詩愁送春謝君有多情未
到春如亂遙知湖上一樽酒能憶天涯萬里人萬里思春
尚有情忽逢春至客心驚雪消門外千山綠花發江邊二
月晴少年把酒逢春色今日逢春頭已白異鄉物態與人
殊惟有東風舊相識

答謝景山遺古瓦硯歌

火數四百炎靈銷誰其代者當塗高窮務極酷不易取始
知文景基扁牢坐插長喙啄天下豪傑競起如蝟毛董呂
催汜相繼死紹術權備爭咆咻力彊者勝怯者敗豈較才
德為功勞然猶到手不敢取而便螟蝗生腹胸子不當初

不自耻敢謂舜禹傳之堯得之以此失亦此誰知三石四食
一槽當其盛時爭意氣叱咤靄電生風颺干戈戰罷訖歟功
閻周蔑方召堯無臯英雄致酒奉高會巍然銅雀高台日召
圓歌宛轉激清徵妙舞左右回纖腰一朝西陵一作西陵
看拱木寂寞總帳空蕭蕭當時淒涼已可歎而况後世一作悲
前朝高臺已傾漸平地此瓦一墜埋蓬蒿苔文半滅荒土
蝕戰血曾經野火燒敗皮弊網各有用誰使鑄鏡成凸凹
景山筆力若牛弩句道語老能揮毫嗟予奪得何所用簿
領朱墨徒紛淆走官南北未嘗捨緹襲三四勤緘包有一作
屬思欲飛酒意緒軋軋難抽繚舟行屢備一作水神奪往
往冥晦遭風濤質頑物久有精怪常恐變化成靈妖名都
所至必傳玩愛之不換魯寶刀長歌送我怪且偉欲報慙

愧無瓊瑤

新營小齋鑿地爐輒成五言三十七韻

霜降百工休居者皆入室墻戶畏初寒開爐代溫律規模
不盈丈廣狹足容膝軒窓共幽窳竹栢助蒙密辛勤慚巧
官窮賤守卑秩無術政奚為有年秋屢實文書少期會租
訟省鞭扶地僻與世疎官閑得身佚荆蠻苦卑陋氣候常
壹鬱天日每陰翳風颺多凜凜衰顏慘時晚病骨知寒疾
蠻牀勸晨興盥舉厭朝出南山近樵採僮僕免呵叱禦歲
畜蹲鴟饋客薦包橘霜薪吹晶熒石鼎沸啾唧披方養丹
砂候節煎秋朮西鄰有高士轅軻卧蓬華鶴髮善高談給
背便炙熨披裘屢相就束緼亦時乞傳經伏生老愛酒楊
雄吃晨灰煖餘杯夜火爆山栗無言兩忘形相對或終日

微生慕剛毅勁強早難屈自從世俗牽常恐天性失仰茲
微官祿養此多病質省躬由一言無枉慕三黜因知吏隱
樂漸使欲心窒面壁或僧禪倒冠聊酒逸螟蠕輕二豪一
馬齊萬物啟期為樂三叔夜不堪七負薪幸有一作瘳舊
學頗息述興亡閱今古一作古今圖籍羅甲乙魯冊謹會盟周
公彖凶吉詳或作鮮明左丘辯馳騁馬遷筆金石互鏗錡風
雲生倏忽豁爾一開卷慨然時掩帙浮沉恣其間適若遂
聲恥一作越失吾居誰云陋所得乃非一五斗豈須慚優游歲
將畢

南獠

洪宋區夏廣恢張際四維狂孽久不聳民物含一作涵春熙
耆稚適所尚游泳光華時遽然攝提歲南獠掠邊陲予因

叩村叟此事曷如斯初似却人問未語先涕垂收涕謝客
問爲客陳始基撫水有上源水淺山嶮熾生民三千室聚
此天一涯狼勇復輕脫性若鹿與麋男夫不耕鑿刀兵動
相隨宜融兩境上殺人取其貲因斯久久來此寇易爲羈
鼠竊及蟻聚近裏焉敢窺勢亦不久住官軍來卽馳景德
祥符後時移事亦移四輔哲且善天子仁又慈將軍碩招
安兵非羽林兒龍江一牧拙邏騎材亦非威惠不兼淚徒
以官力欺智略仍復短從此難羈縻引兵卸甲嶺部陣自
參差鋒鏑殊未接士卒心先離奔走六吏死初在懷遠軍
卸甲嶺殺傷
范禮賓王崇班
等六人落陣死明知國挫威自茲賊聲震直寇融州涪縣
宇及民廬燬蕩無孑遺利鏃淬諸毒中膚無藥醫長刀斷
人股橫屍滿通遠婦人及孳產驅負足始歸堂堂過城戍

何人敢正窺外計削奏疏一一聞宸闈赫爾始斯怒選將
興王師精甲二萬餘猛毅如虎貔劔戟凜秋霜新燦閃朝
曦八營與七萃豈得多于茲外統三路進小敵胡能爲前
驅已歷境後軍猶未知逶迤至蠻域但見空稻畦搜羅一
月餘不戰師自罷荷戈莫言苦負糧深可悲哀哉都督郵
無辜遭屠糜昭州都曹皇甫傑三人部糧入
洞遭蠻賊掩殺及害夫力千餘曉咋計不出
還出招安辭半降半來拒蠻意猶狐疑厚以繒錦贈狙心
詐爲卑戎帳草草起賊戈躡背揮我聆老叟言不覺蠶雙
眉吮毫兼疊簡占作南獠詩願值采詩官一敷于彤墀

寄聖俞

西林山水天下佳我昔謫官君所嗟官閒憔悴一病叟縣
古蕭洒如山家雪消深林自斲一作
斲筍人響空山隨摘茶

有時攜酒探幽絕往往上下窮煙霞崑蕪綠縹軟可藉野
卉青紅春自華風餘落葉飛回旋日暖山鳥鳴交加貪追
時俗翫歲月不覺萬里留天涯今來寂寞西岡口秋盡不
見東籬花市亭插旗鬪新酒十千得斗不可賒材非世用
自當去一舸聲牙揮釣車君能先往勿自滯行矣春洲生
荻芽

答梅聖俞見寄

憶昔識君初我少君方壯風期一相許意氣曾誰讓交遊
盛京洛樽俎陪丞相驟驥日相迫鸞鳳志高颺詞章盡崔
蔡論議皆欲向文會彘子盟詩壇推子將談精鋒愈出飲
劇歡無量賈勇爲無前餘光誰敢望茲年五六歲人事堪
悽滄南北頓睽乖相離獨飄蕩失杯由畫足傷手因代匠

稜書雖激切拙語非欺誑安知乃心愚而使所言妄權豪
不自避斧質誠爲當蒼皇得一邑奔走踰千嶂楚峽聽猿
鳴荆江畏蛟浪蠻方異時俗景物殊氣象綠髮變風霜丹
顏侵疾痒常憂鵬鳥窺幸免江魚葬今茲荷寬宥遷徙來
漢上惟悴戴囚冠驅馳嗟俗狀王事多倥傯學業差遺忘
未能解綬去所戀寸祿養舉足畏逢仇低頭惟避謗忻聞
故人近豈憚驅車訪一別各衰翁相見問無恙交情宛如
舊歡意獨能強幸陪主人賢更值芳洲漲菱荷亂浮泛水
竹涵虛曠清風滿談席明月臨歌觴已見洛陽人重開畫
樓唱怡然壹鬱寫甞爾累囚放自從還邑來會此驕陽亢
神靈多請禱租訟煩答榜猶須新秋涼漢水臨一作瀉清漾
野稼蕩浮雲晴山開壘障聊以助吟詠亦可資酣暢北轅

如未駕幸子能來貺

送琴僧知白

吾聞夷中琴已久常恐老死無其傳夷中未識不得見豈謂今逢知白彈遺音髣髴尚可愛何況之子傳其全孤禽曉警秋野露空澗夜落春嵒泉二年遷謫寓三峽江流無底山侵天登臨探賞久不厭每欲圖畫存於前豈知山高水深意久以寫此朱絲絃酒酣耳熱神氣王聽之爲子心肅然嵩陽山高雪三尺有客擁鼻吟苦寒負琴北走乞其贈持我此句爲之先

谷正至始得先所寄書及詩不勝喜慰因書數韻奉

酬聖俞

寒日照深巷柴門朝尚閉有客自江來尺書千里至啓書

復何云但言南北異南方地常暖風物稱佳麗梅蕊入新年蘭臯動芳氣樂哉登臨興豈厭江湖滯伊予方寂寞刻苦窮文字萬國會王州羣英馳騁軌方朔常苦餓子雲非官意歲暮慘風塵官閒倦朝市出處一云別所思寧可冀春江有歸雁但使音書繼

答朱宗捕蝗詩

捕蝗之術世所非欲究此語興於誰或云豐凶歲有數天孽未可人力支或言蝗多不易捕驅民入野踐其畦因之姦吏恣貪擾戶到頭斂無一遺蝗災食苗民自苦吏虐民苗皆被之吾嗟此語祇知一不究其本論其皮驅雖不盡勝養患昔人固已決不疑乘蠹投火况舊法古之夫惡猶如斯旣多而捕誠未易其矣安在常由遲誛誛最說子孫

衆爲腹所孕多蛄蚘始生朝歛暮已頃化一爲百無根涯
口含鋒刃疾風雨毒腸不滿疑常飢高原下隰不知數進
退整若隨金輦嗟茲羽孽物其惡不知造化其誰尸大凡
萬事悉如此禍當早絕防其微蠅頭大土不急捕羽翼已
就功難施只驚羣飛自天下不究生子由山陂官書立法
空太峻吏愚畏罰反自欺蓋藏十不敢申一上心雖惻何
由知不如寬法擇良令告蝗不隱捕以時今苗因捕雖踐
死明歲猶免爲蠶菑吾嘗捕蝗見其事較以利害曾深息
官錢二十買一斗示一作以明信民爭馳斂微成衆在人
方頃刻露積如京坻乃知孽蟲雖甚衆嫉惡苟銳無難爲
往時姚崇用此議誠哉賢相得所宜因吟君贈廣其說爲
我持之告採詩

答蘇子美離京見寄

衆奇子美貌堂堂千人英我獨疑其曾浩浩包滄溟滄溟
產龍蜃百怪不可名是以子美辭吐出人輒驚其於詩最
豪奔放何縱橫衆絃律呂金石次第鳴間以險絕句非
時震雷霆兩耳不及掩百病爲之醒語言既可駭筆墨尤
其精少雖嘗力學老乃若天成濡毫弄點畫信手不自停
端莊雜醜怪羣星見櫜槍爛然溢紙幅視久無定形使我
終老學得一已足矜而君兼衆美磊落猶自輕高冠出人
上誰敢揖其膺羣臣列丹陛幾位缺公卿佞之束帶立可
以重朝廷况令參國議高論吐崢嶸惜哉三十五白髮今
已生近者去江淮作詩寄離情口誦不及寫一日傳都城
退之序百物其鳴由不平天方苦君心欲使發其聲嗟我

非鶯鶯徒思和嚶嚶因風幸數奇警我聾與盲

歸雁亭

荒蹊臘雪春尚埋我初獨與徐生來城高樹古禽鳥野聲
響格磔寒毳毳頽垣敗屋巍然在略可遠眺臨傾臺高株
唯有柳數十夾路對立初誰栽漸誅榛莽辨草樹頗有桃
李當墻隈欣然便擬趁時節斤鉏日夕勞耘培新年風色
日漸好晴天仰見雁已回枯根老脉凍不發遶之百匝空
徘徊頑姿野態煩造化勾芒不肖先煦吹酒酣幾欲搗大
鼓驚起龍螭驅春雷偶然不到纔數日顏色一變山誰催
翠芽紅粒逆條出纖趺嫩萼如剪裁卧槎燒柝亦強發老
析不避衆艷朽姹然山杏開最早其餘紅白各自媒初開
盛發與零落皆有意思牽人懷衆芳勿使一時發當令一

落續一開畢春應須酒萬斛與子共醉三千杯

石篆詩

并序

某啓近蒙朝恩守此州州之西南有瑯琊山唐李幼卿
庶子泉者某在館閣時方國家詔天下求古碑石之文
集于閣下因得見李陽冰篆庶子泉銘學篆者云陽冰
之蹟多矣無如此銘者常欲求其本而不得于今十年
矣及此來已獲焉而銘石之側又陽冰別篆十餘字尤
奇於銘文世罕傳焉山僧惠覺指以示余余徘徊其下
久之不能去山之奇蹟古今紀述詳矣而獨遺此字余
甚惜之欲有所述而患文字之不稱思予嘗愛其文而
不及者梅聖俞蘇子美也因為詩一首并封題墨本以
寄二君乞詩刻于石

寒崑飛流一作落青苔旁斲石篆何奇哉其人已死骨已
朽此字不滅留山隈山中老僧憂石泐印之以紙磨松煤
欲令留傳在人世持以贈客比瓊瑰我疑此字非筆畫又
疑人力非能為始從天地胚渾判元氣結此高崔嵬當時
野鳥踏山石萬古遺迹於蒼崖山祇不欲人屢見每吐雲
霧深藏埋羣仙飛空欲下讀常借海月清光來嗟我豈能
識字法見之但覺心眼開辭慳語鄙不足記封題遠寄蘇
與梅

讀梅氏詩有感示徐生

子美忽已死聖俞舍吾南嗟吾譬馳車而失左右驂勅敵
音壓壘羸兵當戒嚴凡人貴勉強惰逸易安恬吾既苦多
病交朋復凋穢篇章久不作意思如膠粘良田失時耕草
莽廢鋤芟美井不日汲何由發清甘偶開梅氏篇不覺日
挂簷乃知文字樂愈久益無厭吾嘗哀世人聲利競爭貪
哇咬聾兩耳死不享韶咸而幸知此樂又常深討探今官
得閒散舍此欲奚耽頑庸須警策賴子發其箝

眼有黑花戲書自遣

洛陽三見牡丹月春醉往往眠人家揚州一遇芍藥時夜
飲不覺生朝霞天下名花惟有此樽前樂事更無加如今
白首春風裏病眼何須厭黑花

日本刀歌

昆夷道遠不復通世傳切玉誰能窮寶刀近出日本國越
賈得之滄海東魚皮裝貼香木鞘黃白閒雜鏃與銅真鏃
似金
真銅似銀百金傳入好事手佩服可以釀妖凶傳聞其國居大

島土壤沃饒風俗好其先徐福詐秦民採藥淹留卅童老
百工五種與之居至今器玩皆精巧前朝貢獻屢往來士
人往往工詞藻徐福行時書未焚逸書百篇今尚存令嚴
不許傳中國舉世無人識古文先王大典藏夷貊蒼波浩
蕩無通津令人感激坐流涕鏞澁短刀何足云

聖俞惠宣州筆戲書

聖俞宣城人能使紫毫筆宣人諸葛高世業守不失緊心
縛長毫三副頗精密硬軟適人手百管不差一京師諸筆
工牌榜自稱述纍纍相國東比若衣縫蝨或柔多虛尖或
硬不可屈但能裝管榻有表曾無實價高仍費錢用不過
數日豈如宣城毫耐久仍可乞

贈潘景溫叟

秦盧不世出俗子相矜誇治疾不知求一作源橫死紛如麻
番陽奇男子衣冠本儒家學本得心訣照底窮根厓冷然
鑿五藏曾靡毫釐差公卿掃榻迎黃金載盈車語言無羽
翰飛八萬齒牙相逢京洛下使我驚且嗟七年慈母病庸
工口啣啞恨不早見君以乞壺中砂通宵耳高論飲恨知
何涯嗚然別我去征途指煙霞孤雲不可留淚線風中斜

學書二首

蘇子歸黃泉筆法遂中絕賴有蔡君謨名聲馳晚節醉翁
不量力每欲追其轍人生浪自苦以取兒女悅豈止學書
然自悔從今決

學書不覺夜但怪西窓暗病目故已昏墨不分濃淡人生
不自知勞苦殊無憾所得乃虛名榮華俄頃暫豈止學書

然作銘聊自鑒

奉使道中寄坦師

道人少賈海上遊海船破散身沉浮黃金滿篋人所寄吹
簸偶得還中州羸身歸金不受報祇取斗酒相獻酬歡娛
慈母終一世脫去妻子藏巖幽蒼煙寥寥池水漫白玉苗
苔吹高秋夜燃柏子煮山藥憶此東望無時休塞垣春枯
積雪溜沙礫威怒黃雲愁五更匹馬隨雁起想見鄧郭花
今稠百年夸奪終一丘世上滿眼真悠悠寄聲萬里心綢
繆莫道異趣無相求

壽樓

碧瓦照日生青煙誰家高樓當道邊昨日丁丁斤且斲今
朝朱欄橫翠幕主人起樓何太高欲誇富力壓羣家樓中
女兒十五六紅膏畫眉雙
青綠日暮春風吹管絃過者仰
首皆留連應笑樓前騎馬客腰垂金章頭已白苦貪名利
損形骸爭若庸愚恣聲色朝見騎馬過暮見騎馬歸經年
無補朝廷事何用區區來往爲

試院聞奚琴作

奚琴本出奚人樂奚彈之雙淚落抱琴置酒試一彈曲
罷依然不能作黃河之水向東流息飛雁下白雲秋岸上
行人舟上客朝來暮去無今昔哀絃一奏池上風忽聞如
在河舟中絃聲千古聽不改可憐纖手今何在誰知着意
弄新音斷我樽前今日心當時應有曾聞者若使重聽須
淚下

乞藥有感呈梅聖俞

宣州紫沙合圓若截郢筒偶得今十載走宦一作南北東
持之聖俞家乞藥戒羸僮聖俞見之喜遽以手磨礪謂此
吾家物問誰持贈公因嗟與君交事事無不同憶昔初識
面青衫游洛中高標不可揖杳若雲間鴻不獨體輕健目
明仍耳聰爾來三十年多難百憂攻君晚得奇藥靈根斲
離宮其狀若狗蹄其香比芎藭愛君方食貧面色悅以豐
不憚乞餘劑庶幾助衰癯平時一笑歡飲酒各爭雄向老
百病出區區論藥功衰盛物常理循環勢無窮寄語少年
兒慎勿笑兩翁

曉詠

簾外星辰逐斗移紫河聲轉下雲西九維鳥起城將曙百
尺樓高月易低露裊蘭若惟有淚秋荒桃李不成蹊西堂

吟思無人助草滿池塘夢自迷

送目

送目一作衡阜望不休江蘋高下遍汀洲長堤柳曲妨回
首小苑花深礙倚樓楚徑蕙風消病渴洛城花雪蕩春愁
流杯三日佳期過擲度蘭波負勝遊

舟中寄劉昉秀才

東南天濶漾歸流西北雲高斷寸眸明月隨人來遠浦青
山答鼓送行舟歸心逐夢成魚鳥夜漢看星識斗牛一作驪
駿酒開樽誰共醉清江聊且玩游鯨一作鯨

卽目

李徑陰森接翠疇押簾風日澹清秋晚鳥藏柳棲殘照遠
燕傷風失故樓星漢經年雖可望雲波千疊不減愁平居

華帶頻移孔誰問無慘沈隱侯

宿雲夢館

北雁來時歲欲昏私書歸夢香難分井桐葉落池荷盡一夜西窓雨不聞

送王公慥判官

久客倦京師言歸歲已冬獨過伊水渡猶聽洛城鐘山色經寒綠三塗入暮重臘梅孤館路疲馬有誰逢

題華嚴寺大師禪齋

景德寺普光院

每苔一室前菱花吟次處一作落孤月定中圓

一喜亭

江邊已嘆天涯涕泫然今日始知予罪大

此生更三千

初至虎牙灘見江山類龍門

曉鼓潭潭客夢驚虎牙灘上作船行山形酷似龍門秀江色不如伊水清平日兩京人少壯今年三峽歲崢嶸卧聞乳石淙流響疑是香林八節聲

酬孫延仲龍圖

洛社當年盛莫加洛陽耆老至今誇梅聖俞張堯夫張子野延仲與予皆在洛中死生零落餘無幾齒髮衰殘各可嗟北庫酒醪君舊物延仲前守汝陰西湖煙水我如家已將二美交相勝仍枉新篇麗彩霞

西湖泛舟呈運使學士張揆

波光柳色碧溟濛曲渚斜橋畫舸通更遠更佳唯恐盡漸

深漸密似無窮綺羅香裏留佳客絃管聲來颺晚風半醉
迴舟迷向背樓臺高下夕陽中

去思堂會飲得春字

甲午四月潁州張唐公座

世事紛然百態新西岡一醉十三春自慚白髮隨年少猶
把金鍾勸主人黃鳥亂飛深夏木紅榴初發艷清晨佳時
易失閒難得有酒重來莫厭頻

贈王介甫

翰林風月三千首吏部文章二百年老去自憐心尚在後
來誰與子爭先朱門歌舞爭新態綠綺塵埃試拂絃常恨
聞名不相識相逢樽酒盍留連

暮春書事呈四舍人

樹陰初合苔生暈花蘂新成密滿脾鬪燕各歸巢哺子蛙

魚共樂雨添池少年春物今如此老病衰翁了不知飽食
杜門何所事日長偏與睡相宜

酬王君玉中秋席上待月值雨

池上雖然無皓魄樽前殊未清歡綠醅自有寒中力紅
粉尤宜燭下看羅綺塵隨歌扇動管絃聲雜雨荷乾客舟
閒卧王夫子詩陣教誰主將壇

題東閣後集

一作題營丘後集

東閣三朝多大事營丘二載足

二字一作兩郡半

閑辭近詩留作

歸榮集何日歸田自集詩

解官後答韓魏公見寄

報國勤勞已茂聞終身榮遇最無倫老爲南畝一夫去猶
是東宮二品臣侍從籍通清切禁笑歌行作太平民欲知

念舊君恩厚二者難兼始兩人

新制推恩致仕許仕舊兼職自王仲儀始今某仍出

特恩

余昔留守南都得與杜祁公唱和詩有答公見贈二十韻之卒章云報國如垂願歸耕寧買田期無辱知已宥逐利名遷逮今二十有二年祁公捐館亦十有五年矣而余始蒙恩得遂退休之請追懷平昔不勝感涕輒為短句寘公祠堂

弟發陳編追思二十年門生今白首墓木已蒼煙報國垂願歸耕寧買田言今知踐如不愧黃泉

王尚書身寄兼簡景仁文裕二侍郎二首

王尚書身寄兼簡景仁文裕二侍郎二首

自栽花圃趁新陽醉翁

莫何時共一觴

學士藏春塢新居

清才西紀擅名晚卜丘林遂解纓欲借青春藏向此須

知白水浮花出人間去山近雲從席上生漫作

堪大隱仙家誰信在重城

退居述懷寄北京韓侍中二首

悠悠身世比浮雲白首歸來潁水濱曾看元臣調鼎鼎却尋田叟問耕耘一生勤苦書千卷萬事銷磨酒百分放浪豈無方外士尚思親友念離羣

書殿宮臣寵並叨不同憔悴返漁樵無窮興味閒中得強
半光陰醉裏銷靜愛竹時來野寺獨尋春偶過溪橋猶須
五物稱居士不及顏回飲一瓢

和子履遊泗上雍家園

長橋南走羣山間中有雍子之名園蒼雲蔽天竹色淨暖
日撲地花氣繁飛泉來從遠嶺背林下曲折寒波翻珍禽
不可見毛羽數聲清絕如哀彈我來據石弄琴瑟佳景日
暮登歸軒塵紛解剝耳目異祗疑夢入神仙村知君禮向
我同好作詩閑放莫可攀高篇絕景兩不及久之想像空

冥煩

右雍家園詩吉綿閣本皆入公外集而王荆公四家詩
選亦有之今乃載蘇子美滄浪集後人安得不疑或謂

公親作滄浪集序不應誤雜已詩可以無疑姑附見於
此按王荆公取公詩凡一百二十五首內一百三首載
居士集二十一首載外集又一篇卽此詩其它或全改
一聯或增減一聯甚者至增四聯或移兩聯之類已注
一作於逐篇豈當時傳本不同抑荆公自加闡也

